

2014-imi aningaasanut inatsisissatut siunnersuut

pillugu

Aningaasaqarnermut Akileraartarnermullu Ataatsimiititaliap

ISUMALIUTISSIISSUTAA

Inatsisissatut siunnersuutip aappassaaneerpeqarnissaanut saqqummiunneqartoq

Ataatsimiititaliaq suliarinninnermini kingullermik ukuninnga inuttaqarpoq:

Inatsisartunut ilaasortaq Finn Karlsen (Siumut), siulittaasoq
Inatsisartunut ilaasortaq Gerhardt Petersen (Atassut), siulittaasup tullia
Inatsisartunut ilaasortaq Evelyn Frederiksen (Siumut)
Inatsisartunut ilaasortaq Jens Imanuelsen (Siumut)
Inatsisartunut ilaasortaq Kalistat Lund (Inuit Ataqtigiit)
Inatsisartunut ilaasortaq Hans Aronsen (Inuit Ataqtigiit)
Inatsisartunut ilaasortaq Naaja Nathanielsen (Inuit Ataqtigiit)

Imarisai:

1. Aallaqqaasiut	4
1.1 Aningaasanut inatsisissatut siunnersuutip ilusiligaanera aningaasaliisarnermilu maleruagassat	4
1.2. Inatsisartut ataatsimiititaliaasa akuutinnerat	5
1.3. 2014-imi aningaasanut inatsisissatut siunnersuut	5
1.3.1 Ataatsimoortumik tullerriaarisarnissamik tunngavik	5
1.3.2 Aningaasaqarnikkut politikimut ungasissumut isigisumut Aningaasaqarnermut Siunnersuisoqatigiit kaammattuutaat	6
1.3.3 Allanguutissatut siunnersuutit	8
1.3.4 Aningaasaqarnermut Ataatsimiititaliap ataatsimut isigalugu isummernera	9
1.3.5 2014-imi aningaasanut inatsisissap inaarutaasup naammassineqarnissaa aammalu 2015-imi aningaasanut inatsisissatut siunnersuummik piareersaanissaq	9
2. Aningaasaqarnermut Ataatsimiititaliap apeqqutai/oqaaseqaatai aalajangersimasut – suliassaqaqarfinnut agguataarlugit	11
2.1. Suliassaqaqarfik 10-12 Naalakkersuisut siulittaasuat	11
2.2. Suliassaqaqarfik 20-24 Aningaasaqarnermut Naalakkersuisoq	12
2.3. Suliassaqaqarfik 30 Ilaqutariinnermut Inatsisinillu Atortitsinnermut Naalakkersuisoq	16
2.4. Suliassaqaqarfik 34-35 Peqqissutsimut Attaveqarnermullu Naalakkersuisoq	17
2.5. Suliassaqaqarfik 40 Ilinniartitaanermut, Ilageeqarnermut, Kultureqarnermut Naligiissitaanermullu Naalakkersuisoq	19
2.6. Suliassaqaqarfik 50-51 Aalisarnermut, Piniarnermut Nunalerinemullu Naalakkersuisoq	23
2.7. Suliassaqaqarfik 62-66 Inuussutissarsiornermut, Aatsitassaqaqarnermut Suliffeqaqarnermullu Naalakkersuisoq	25
2.8. Suliassaqaqarfik 70-73 Ineqarnermut, Pinngortitamut Avatangiisinullu Naalakkersuisoq	27
3. Aningaasaliissutinut allanguutissatut siunnersuutit	31
3.1. Sammisqaq 1 – Aaqqissuinikkut allanguutit	31
3.2. Sammisqaq 2 – Missingersuutinut sunniuteqaqngitsumik allanguutit	33
3.3. Sammisqaq 3 – Isertitaqarnerunissamik inatsisitigullu aningaasartuutinit pissussaaffigisanit naatsorsuutit nutaat	34
3.4. Sammisqaq 4 – Aningaasartuuteqaqarnerunissamik kissaatit	36
3.5. Sammisqaq 5 – Inissianik tunisineq	37
3.6. Sammisqaq 6 – Ingerlatsinermi ileqqaarutit	38
3.7. Sammisqaq 7 – Allaffissornikkut sipaaruteqaqarner	38
3.8. Sammisqaq 8 – Aalisarneq	39
3.9. Sammisqaq 9 – Sanaartornermi nussuineq	40
3.10. Sammisqaq 10 – Nutarterinerit sunniutai	41
4. Oqaasertaliussanut allanguutissatut siunnersuutit	42
5. Aningaasaqarnermut Ataatsimiititaliap kaammattuutai	44
6. Aningaasaqarnermut Ataatsimiititaliap inassuteqaatai	46

Ilanngussanut takussutissiaq:

- A. Aningaasaqarnermut Ataatsimiititaliap 12. september 2013-imi Naalakkersuisunut apeqquai.
- B. Aningaasaqarnermut Ataatsimiititaliap apeqquataanut Naalakkersuisut akissutaat, tak. ilanngussaq A.
- C. Aningaasaqarnermut Ataatsimiititaliap Inatsisartut ataatsimiititaliaannut 12. september 2013-imi tusarniaalluni allagaa.
- D. Naalakkersuisut Siulittaasuannik apersuinissamut aggeqqusissut 9. oktober 2013-imeersoq kiisalu tassunga atatillugu apersuinermit allakkiaq.
- E. Aningaasaqarnermut Nunamullu Namminermit Naalakkersuisumik apersuinissamut aggeqqusissut 15. oktober 2013-imeersoq kiisalu tassunga atatillugu apersuinermit allakkiaq.
- F. Ilaqutariinnermut Inatsisinillu Atortitsinermit Naalakkersuisumik apersuinissamut aggeqqusissut 7. oktober 2013-meersoq kiisalu tassunga atatillugu apersuinermit allakkiaq.
- G. Peqqissutsimut Attaveqarnermullu Naalakkersuisumik apersuinissamut aggeqqusissut 7. oktober 2013-meersoq kiisalu tassunga atatillugu apersuinermit allakkiaq.
- H. Ilinniartitaanermit, Ilageeqarnermut, Kultureqarnermut Naligiissitaanermullu Naalakkersuisumik apersuinissamut aggeqqusissut 10. oktober 2013-meersoq kiisalu tassunga atatillugu apersuinermit allakkiaq.
- I. Aalisarnermut Piniarnermut, Nunalerinermullu Naalakkersuisumik apersuinissamut aggeqqusissut 7. oktober 2013-imeersoq kiisalu tassunga atatillugu apersuinermit allakkiaq.
- J. Inuussutissarsiornermut, Aatsitassarsiornermut Suliffeqarnermullu Naalakkersuisumik apersuinissamut aggeqqusissut 7. oktober 2013-meersoq kiisalu tassunga atatillugu apersuinermit allakkiaq.
- K. Ineqarnermut, Pinngortitamut Avatangiisinullu Naalakkersuisumik apersuinissamut aggeqqusissut 7. oktober 2013-imeersoq kiisalu tassunga atatillugu apersuinermit allakkiaq.
- L. Naalakkersuisut aningaasaliissutinut allannguutissatut siunnersuutaat 11. oktober 2013-imeersut. (Allannguutissatut siunnersuutit nr. 1-120).
- M. Naalakkersuisut oqaasertaliussanut allannguutissatut siunnersuutaat 11. oktober 2013-imeersut (Allannguutissatut siunnersuutit nr. 121-125).
- N. Ataatsimiititaliat tusarniaanermut akissutaat, tak. ilanngussaq C.

1. Aallaqqaasiut

2014-imi aningaasanut inatsisissatut siunnersuut Inatsisartunit ulloq 18. september 2013-imi siullermeerneqarpoq. Siunnersuut Aningaasaqarnermut Ataatsimiititaliamut suliarineqar-tussanngorlugu innersuunneqarpoq.

Aningaasanut inatsisissatut siunnersuut Narsarsuarmi 22.-26. august 2013-imi missingersuutit pillugit isumasioqatigiinnermi Aningaasaqarnermut Ataatsimiititaliamit misissorneqarpoq. Aningaasanut inatsisissatut siunnersuummik misissuinini suliarinninninilu tunngavigalugit apeqqutini oqaaseqaatinilu Naalakkersuisunut ulloq 12. september 2013-imi allagaqarnermigut Aningaasaqarnermut Ataatsimiititaliap nassiuppai. **Ilanngussaq A** innersuussutigineqarpoq. Kingusinnerpaamik ulloq 27. september 2013, nal. 12 akineqarnissaq ataatsimiititaliap qinnutigaa. Ataatsimiititaliap apeqqutaanut Naalakkersuisut akissutaat pillugit **ilanngussaq B** innersuussutigineqarpoq.

Tamatuma saniatigut ulloq 11. oktober 2013-mi Naalakkersuisut allannguutissatut siunner-suutinik arlalissuarnik nassiussipput. Taakku isumaliutissiissummi immikkut immikkoortuni sammineqassapput.

Inatsisartut aningaasanut inatsisissatut siunnersuummik aappaasaaneerinissaannut ataatsimiiti-taliaq matumuuna isumaliutissiissuteqarpoq.

1.1 Aningaasanut inatsisissatut siunnersuutip ilusiligaanera aningaasaliisarnermilu maleruagassat

Aningaasanut inatsisissatut siunnersuutip ilusiligaanissaa missingersuutit pillugit inatsimmi kapitali 2-mi 3-milu pingaarnertut aalajangersaavigineqarpoq. Aalajangersakkami tassani allassimasuni allassimavoq aningaasanut inatsisissatut siunnersuutip inatsisissatut siunnersuutit allat assigalugit imarigai inatsisit oqaasertaat nassuiaatitallit.

Inatsisip oqaasertaanut ilaapput siunnersuummi aningaasaliissutinut takussutissaq *Ilanngussaq 1-imiittoq* aammalu siunnersuummi oqaasertaliussat *Ilanngussaq 2-miittut*.

Nassuiaatinut ilaapput oqaasertaliussanut nassuiaatit, angusanut kontonullu pingaarnernut takussutissiat kiisalu missingersuutinut ilanngussat.

Nassuiaatit ilusiligaanissaannut piumasaqaatinut erseqqinnerusumik nassuiaatit eqqarsaatiga-lugit missingersuutit pillugit inatsimmi kapitalit taaneqartut innersuussutigineqarput. Missi-ngersuutinulli ilanngussanut tunngatillugu oqaatigineqassaaq taakku imarimmatigit kontoni pingaarnerni ataasiakkaani aningaasaliissutinut tunngavissat erseqqinnerusut. Oqaasertaliussa-nut tunngatillugu immikkut oqaatigineqassaaq inatsisip oqaasertaatut ilusiligaanertik aquti-galugu Inatsisartut inatsisaasa allat allanngortinneqarnissaannut ilassuteqarfigineqarnissaan-nulluunniit atorneqarsinnaammata.

Taamaalillunilu aningaasanut inatsisissatut siunnersuutip inatsisissatut siunnersuutinut allanut sanilliulluni ilaatigut allaanerussutigaa missingersuutinut ilanngussat ilusiligaanerannut allan-guutissatut siunnersuutinik saqqummiussisoqarsinnaanera, naak taakku oqaatigineqareersutut

inatsisip oqaasertaanut nassuiaatitut ilusiligaagaluartut. Nassuiaatilli sinnerinut, soorlu oqaasertaliussanut *nassuiaatinut* allannguutissatut siunnersuutinik immikkut saqqummiussisoqarsinnaanngilaq.

2010-mi ilassutitut aningaasaliissutitut inatsisissatut siunnersuummut, Inatsisartut 2011-mi upernaakkut ataatsimiinneranni oqaluuserineqartumut, isumaliutissiissutini ataatsimiititaliap aamma innersuussutigaa. Suliassaqarfik taanna pingaaruteqaqisoq pillugu Inatsisartunut ilaasortat ilisimasaqalernissamut periarfissinneqarnissaat siunertaralugu ilassutitut aningaasaliissutitut inatsisissatut siunnersuummut isumaliutissiissummi aningaasaliissuteqartarnermi maleruagassat nassuiaatigineqarput.

1.2. Inatsisartut ataatsimiititaliaasa akuutinnerat

Ukiut siulii assigalugit aningaasanut inatsimmik suliarinninnermi Inatsisartut ataatsimiititaliaat Aningaasaqarnermut Ataatsimiititaliap akuutinniarsimavai. Tamanna tunngavigalugu ataatsimiititaliap Naalakkersuisunut aallarniutaasumik apeqqutaasa taamatullu Naalakkersuisut akissutaasa assilineri Inatsisartut ataatsimiititaliaannut ataatsimiititaliamit nassiuuneqarput. Aningaasanut inatsisissatut siunnersuutitut saqqummiunneqartup naliliiffiginissaanut taama periarfissinneqarneq ataatsimiititalianit arlalinnit ilassilluarneqarpoq. Tamanna akissutinik atorluarneqarsinnaasunik pissarsiviusimavoq, taakkulu pisariaqarnera naapertorlugu isumaliutissiissummi matumani piffinni assigiinngitsuni ilanngunneqarput.

Aningaasaqarnermut Ataatsimiititaliap ataatsimiititalianut tusarniaassutitut allakkiaa isumaliutissiissummut uunga **ilanngussaq C-tut** ilanngunneqarpoq. Ataatsimiititaliaat isummersuutaat **ilanngussaq N-mut** ilanngunneqarput.

Aningaasalersuutissatut siunnersuummik ilanngussisoqarsimanngippat aningaasartuuteqarfiumi amerlanerusunik aningaasartuuteqarnissap kaammattuutigiginissaanut Aningaasaqarnermut Ataatsimiititaliap periarfissaqannginnera Aningaasaqarnermut Ataatsimiititaliap periarfissaq iluatsillugu ataatsimiititalianut eqqaasitsissutigaa.

Naallu aalajangiiffigisassatut siunnersuutit ataasiakkaat namminermi annertuumik aningaasartuuteqaataasussaannngikkaluartut ataatsimoorlutik aallaffissornikkut aningaasaqarnikkullu nunatta karsiata missingersuutaanut annertuumik kinguneqaateqarsinnaanerit periarfissaq iluatsillugu ataatsimiititaliap eqqaasitsissutigissavaa.

1.3. 2014-imi aningaasanut inatsisissatut siunnersuut

1.3.1 Ataatsimoortumik tulleriarisarnissamik tunngavik

Ataatsimoortumik pingaarnersiulluni tulleriarisarnermik periuseqarneq aningaasaqarnitta pilersaarusionerqarnerani pingaarnertut tunngaviuvoq. Aningaasaqarnitta pilersaarusionerit paasilertoruminartumik ingerlallugulu inuiaqatigiit aningaasatigut pisinnaasaannut naleqqusakkamik aningaasartuutigit aqutsiviginnaassagutsigit periuseq taanna aalajangiusimasariaqarparput.

Taamaattumik aningaasanut inatsimmi naatsorsuutigineqartumit amerlanerusunik ingerlatsinnermut aningaasartuuteqarnissamik aalajangernissaq sioqqullugu Inatsisartut Naalakkersuisullu sukumiisumik isumaliutiginneqqaartarnissaat aalajangiisuusumik pingaaruteqarpoq.

Suliassaq taanna Aningaasaqarnermut Ataatsimiititaliap Naalakkersuisullu kisimik naammas-sisinnaanngilaat, Inatsisartulli tamarmiusut peqataallutillu tapersersuinissaat pisariaqarpoq. Tamanna ukiuni makkunani minnerunngitsumik pisariaqarpoq, tassami aningaasaqarnikkut attassisinnaassuserput annertuumik uloriarnartorsiortinneqartoq aammalu imaaliallaannaq aaqqiissuteqarnissaq ajornartoq erseqqissigaluttuinnarpoq.

1.3.2 Aningaasaqarnikkut politikimut ungasissumut isigisumut Aningaasaqarnermut Siunnersuisoqatigiit kaammattuutaat

Ulloq 10. september 2013-mi Kalaallit Nunaanni Aningaasaqarnermut Siunnersuisoqatigiit Aningaasaqarnermut Ataatsimiititaliamit ataatsimeeqatigineqarput. Siunnersuisoqatigiit nalunaarusaat saqqummiunneqaqqammersoq ataatsimiinnermi sammineqarpoq. Ataatsimut isigalugu nalunaarusiakkut aammaarluni ersersinneqarpoq inuiaqatigiit atugarissaarnaanni pissutsit taamaaginnarnissaat periarfissaanngitsoq/attanneqarsinnaanngitsoq.

Aningaasaqarnerup attanneqarsinnaasup maannamiit ineriartortinnissaa aalajangiisuusumik pingaaruteqarpoq. Aningaasaqarnikkut politiki attanneqarsinnaanngippat pisortat atugarissaarnermut aningaasaliuttagaat aningaasaqarnermi isertitatut allatulli annertusiartorsinnaanngillat. Allatut oqaatigalugu nalikinnerulissapput. Tamatuma kinguneraa atugarissaarnek attatiin-neqassappat akileraarutit akitsuutillu qaffattariaqarnissaat.

Aaqqiissugaanikkut nikingassutip ineriartornera, tassa aningaasaqarnikkut nikerarneq ilanngunnagu pisortat aningaasaqarnerata ineriartornera, 00-ikkut qiteqqunnerannit maannamut ajorseriarnermik takutitsisoq Aningaasaqarnermut Siunnersuisoqatigiit nalunaarusaatigut takutinneqarpoq. Pisortat isertitassaannik aningaasartuutissaannillu ungasissumut isigisumik Aningaasaqarnermut Siunnersuisoqatigiit siumut naatsorsuinerisa takutippaat pisortat aningaasaqarnerat ersarissumik ajorseriassasoq. Aningaasaqarnermut Siunnersuisoqatigiit malillugit innuttaasut ukiumikkut katitigaanerat ukiuni aggersuni malunnaatilimmik allanngoriassaaq. Sulisinnaasut ikileriassapput utoqqaallu amerlissallutik. Peqqinnissakkut sullississutitut, utoqqarnik paaqqutarinninnermut minnerunngitsumillu pensionisialinnut aningaasartuutit amerliartornerannik tamanna kinguneqassaaq.

Taamaattumillu Nunatta Karsiata aningaasartuutissaanut isertitasaanullu sinaakkusiussat maannatut itsillugit isertitat aningaasartuutillu oqimaaqatigiinnissaat qulakkeerniarlugu ukiuni qulikkaani tulluuttuni 1 mia. kr.-ingajannik missingersuutitigut pitsanngoriartitsinissap aalajangi-usimaneqarnissaa pisariaqartoq Aningaasaqarnermut Siunnersuisoqatigiit ukioq manna nalunaarusiami aamma naliliipput.

Pisortat aningaasartuutissaasa ukiuni aggersuni sukangasumik tulleriariffigineqarnissaat pisariaqarpoq, aningaasaqarnikkullu naleqqussaanissaq piffissami sivisunerusumi kinguarsarneqarpat naleqqussaanissaq annerusoq pisariaqartinneqaraluttuinnassaaq. Imaaliallaannaq aaqqiis-sutaasinnaasunik peqanngilaq.

Pisortat isertitaqarnerulersinnerisigut aningaasartuutillu appartinnerisigut ajornartorsiutit qaangerneqarsinnaapput. Amerlanerusut imminnut pilersulerpata pisortat aningaasartuutaat ikilissapput akileraarutitigullu isertitat amerlissallutik. Taamaalillunilu isertitat aningaasartuutillu oqimaaqatigiissinneqarnissaannut periarfissat arlaliupput.

Aningaasaqarnermut Siunnersuisoqatigiit eqqumaffigeqqaat maannakkut inuiaqatigiit atugarissaartut aaqissugaanerat tamatumanilu aningaasalersuinikkut tunngavik amigartooruissamut tunngavissiisut, taamaattumillu ineriartorneq attanneqarsinnaanngitsoq. Imminut napatissinnaaneruneq atasinnaasumillu aningaasaqarnikkut ineriartornissaq qulakkeerniarlugit annertuumik iluarsartuusseqqinnissamik pisariaqartitsineq tamatuma erseqqissarpaa. Tamatuma peqatigiisaanik Aningaasaqarnermut Siunnersuisoqatigiit oqaatigaat aningaasat nalingisa maanna ineriartornerat Naalakkersuisunit siunnersuutigineqartut aningaasatigut aqutsinermi qasukaallatsitsinissamut tunngavissiisinnaasoq. Aningaasaqarnermut Siunnersuisoqatigiit isumaqarput pingaarnertigut aningaasaqarnikkut ingerlatsinermi unamminartoq tassaasoq siuariartornerup atugarissaarnerullu nukittorsarnissaannut inuussutissarsiutitigut ineriartornermut tunngavissamik pilersitsinissaq. Aningaasaqarnermut Siunnersuisoqatigiit malillugit tamanna inuiaqatigiit siunissamut qulakkeernissaannut aammalu aningaasaqarnikkut imminut napatinerulernissap tunngavissinneqarnissaanut pingaaruteqarpoq, tamatumunngalu atatillugu pisortat aningaasaqarnerat pingaaruteqartumik inissisimavoq.

2014-imi aningaasanut inatsisissatut siunnersuut 2014-imi 2015-imilu IS-mi amigartooruteqarfiuvoq, taakkuli 2016-imi 2017-imilu sinneqartoorutinngussallutik. Aaqqissuusaanikkut ajornartorsiutit inuiaqatigiinnit qaangerniarneqartussat aaqqiivigineqarnissaannut immikkut aningaasaliussat atorneqartussanngorlugit ukiuni marlunni siullerni amigartooruteqarnissaq Naalakkersuisut siunnersuutigaat. Tamanna Aningaasaqarnermut Ataatsimiititaliamit tusaatissatut tiguneqarpoq, eqqumaffigeqquneqassaarli periuseq tamanna immiini annaasaqarfioratarsinnaasoq Aningaasaqarnermut Siunnersuisoqatigiit oqaatigisimammassuk, tassami taamaaliornikkut aningaasalersuutissatut suli pigineqalinngitsut aningaasartuuteqartoqassammat.

Aningaasanut inatsisip ingerlaarfiani ukiunik sisamanik sivilissusilimmi ataatsimut isigalugu oqimaaqatigiittoqarnissaa imaluunniit IS-mi angusap pitsaasuunissaa Naalakkersuisunit kissaatigineqarpoq. Ukiuni aggersuni immikkut ittumik annertuumik isertitaqartoqassappat, taakku atuinerup nalinginnaasumik annertusitinneqarnissaannut atorneqassanngillat. Naalakkersuisut isumaat malillugu taakku ilinniartut ineqarfiinik ilinniartitaanikkullu illutanik sanaartornermut atorneqartariaqarput.

Ataatsimiititaliap Naalakkersuisut isumaqatigaat oqarmata suliniutit nutaat aningaasartuuteqarfiusariaqartut aningaasalersuutissatut siunnersuutiniq ilaqartinneqartariaqartut aammalu suliniutit nutaat ilorraap tungaanut ingerlalertitsissasut. Tassunga ataatsimiititaliamit ilassutigineqassaaq aningaasalersuinissaq isertitaqarnikkut qulakkeerneqassammat taarsigassarseqqinnikkut pinnani. Taarsigassarseqqinnerit ungasinnerusoq isigalugu sipaarutaasinnaasunut aningaasaliissutitut taamaallaat atorneqartariaqarput aammalu taarsigassarsianik utertitsilluni akiliineq ataatsimut isigalugu pitsaasumik kinguneqartariaqarluni. Aningaasatinit pissarsiarisartakkat aningaasat naleerukkartornerannit sunnerneqarnera ataatsimiititaliamit maluginianngitsoorneqanngilaq. Arlalitsigut takuneqarsinnaasorinarpoq aningaasat nalikilliartrornerat aningaasaliissutitut annikillisaataasoq, taamaalillutalu aningaasanit pissarsissutigisartakkagut annikilliartrortut. Naalakkersuisut aningaasaqarnikkut ingerlatsineq pillugu 2013-imi nalunaarutaanni oqaatigineqarpoq atuisunut akigitat qaammatini suliini 12-imi 4,8 %-imik qaffariarsimallutik januar 2012-imit januar 2013-imit 1,6 %-imik qaffariarsimasut. Akit ineriartornerisa kingunerisaanik piffissami 2009-2014 Namminersorlutik Oqartussat aningaasat atorsinnaasat 214 mio. kr.-inik ikileriarsimasut Naalakkersuisut paasissutissiissutigaat. Pisortat aningaa-

sartuutaat aningaasat nalikilliarthornerannut annertuumik sunniuteqartartut nalinginnaasumik ilisimaneqarpoq. Taamaattumik pisortat ingerlatsineranni Naalakkersuisut pisariillisaaniarnerat ataatsimiititaliamit naammagisimaarneqarpoq. Tamatuma peqatigisaanik oqaatigineqassaaq akiitsornikkut aningaasaliinerit inuiaqatigiinni atuineq tamarmiusoq sunnissammassuk, taamaalillunilu aningaasat nalikilliarthornerat ingerlaannassalluni, aningaasaliinerit pisortat imaluunniit “namminersortut” ingerlatseqatigiiffiit Namminersorlutik Oqartussanit pigineqartut akiitsornerisigut ingerlanneqarnerat apeqqutaatinnagu.

Nunatsinni aningaasaqarneq annertugisassaangilluinnarmat oqaatigineqassaaq, taamaattumillu assersuutigalugu attaveqaatitigut sanaartornissamik kissaatinut annertuunut sanilliullugu annikitsuinnarmik akiitsorneq akiitsut BNP-mut ilaasut annertuseriapallannerannik kinguneqarsinnaavoq. Taamaattumik siunissami aningaasaliinernut inuiaqatigiit aningaasaqarnerannut iluanaarutaasinnaasunut taamaallaat taarsigassarsisoqartarnissaa assut pingaaruteqarpoq.

Aningaasaqarnermut Siunnersuisoqatigiit oqaatigaat iluarsaaqqinnerit inuussutissarsiutinik ineriartortitsineranut tapertaasinnaasut aammalu pisortat aningaasaataasa attanneqarsinnaasut, taamaalillunilu aningaasaqarnerup imminut napatittup qulakkeernissinnaanut pisariaqartinneqarnerat Naalakkersuisunit erseqqissarneqartoq. Tamanna ataatsimiititaliamit isumaqatigineqarpoq, tamatumali peqatigisaanik ataatsimiititaliaq isumaqarpoq tamatta tamatumunnga peqataaqataasariaqartugut. Karsi imaqaassappat Nunatta Karsia aningaasarpassuarnik taarsigassarsisariaqarpoq, naak Nunatta Karsia akiligassatigut kinguaattoorutinit 868 mio. kr.-inik pisassaraluartoq. Akiligassatigut kinguaattoorutinit suliassat august 2012-imi 230.000-iniit august 2013-imi 241.000-iniit amerleriarsimapput, naak akiligassatigut kinguaattoorutit 893 mio. kr.-erluinnarnit 868 mio. kr.-erluinnarnut ikileriarsimasut. Tassa 2,7 pct.-imik ikileriaat. Taamaakkaluartorli akiligassatigut kinguaattoorutit suli amerlapput. Taamaattumik pisortat ingerlatsiviini nutarterinerup ingerlatseqqinneqarnerata akiligassatigut kinguaattoorutit aammalu akiligassatigut kinguaattoorutit pillugit suliassat siunissami suli ikiliartornissaannut peqataaqataasannaanik Naalakkersuisut neriuteqarnerat ataatsimiititaliamit isumaqatigineqarpoq. Periusissaq pitsaanerpaq tassaavoq akiligassatigut kinguaattoorutit nutaat pilersinneqannginnissaannik qulakkeerineq, tamatumalu saniatigut pisortanut akiitsorisannik akiliisarneq qanoq pingaaruteqartiginersoq innuttaasunut sapinngisaq tamaat paasitinniarlugu.

Akerlianik pisortat aningaasaliisarnerini aalajangiinissamut tunngavissamik suliaqarnermi naqqutassannik tamanut atuuttunik erseqqissunik naapertuuttunillu akiitsut aningaasalersuinerlu pillugit periusissami malitassaqarnera ataatsimiititaliamit assut neriulluarfigineqarpoq. Immikkoortuni ataasiakkaani immikkoortunut pilersaarutit ukiuni qulini atuuttussannik maanna Naalakkersuisut suliaqalersaarnerat periutsimut tamatumunnga nukitoorsaataassaaq. Tamanna pilersaarusiornermut nukittorsaataassaaq aammalu piffissamut ungasinnerusumut atuuttussannik pingaarnersiunissamut periarfissat pitsanngorsassallugit.

Aningaasaqarneq pillugu naalakkersuinikkut anguniakkat ersarissumik nassuiarneqarnissaasa, pisortat aningaasaqarnerata sukangasumik aqutsivigineqarnissaata, “pisuussutinit perloqqusut”-ip eqqumaffigineqarnissaata aammalu nunatsinni innuttaasut ilinniagaqarnissaannik qulakkeerrinninnissap pisariaqarnera ataatsimiititaliamit taperserineqarsinnaavoq.

1.3.3 Allanguutissatut siunnersuutit

Aningaasanut inatsisissatut siunnersuummik Inatsisartut siullermeerinerat tunngavigalugu Naalakkersuisut ulloq 11. oktober 2013-imi allannguutissatut siunnersuutit 125-t nassiuppaat.

Aningaasaliissutinut taamatullu *oqaasertaliussanut* allannguutissatut siunnersuuteqartoqarpoq. Allannguutissatut siunnersuutit isumaliutissiisummut **ilanngussaq L-tut aamma M-tut** ilanngunneqarput.

Naalakkersuisut allannguutissatut siunnersuutaannut Aningaasaqarnermut Ataatsimiititaliap inassuteqaatai isumaliutissiisummi matumani immikkoortuni 3-mi 4-imilu takuneqarsinnaapput.

2014-imi aningaasanut inatsisissatut siunnersuutip Inatsisartunit aappassaaneerseqarnissaani Naalakkersuisut allannguutissatut siunnersuutaasa tamakkiisut sunniutissaat ingerlatsineranut, sanaartukkanut, taarsigassarsiarititanullu inernerusussatut missingersuutinut, IST-mi uninngasut inerneranut 2014-imi 23,6 mio. kr.-inik, 2015-imi 90,2 mio. kr.-inik pitsanngoriaataasaaq kiisalu 2016-imi 50,3 mio. kr.-inik 2017-imilu 101,3 mio. kr.-inik ajorseriaataassalluni.

Taamaalillunilu aningaasanut inatsisip inenera tassaassaaq 2014-imi **IST-mi 52,4 mio. kr.-inik amigartoorneq**.

Naalakkersuisut aappassaaneerinissamut allannguutissatut siunnersuutaat tamangajammik akuersissutigineqarnissaat Aningaasaqarnermut Ataatsimiititaliamit inassutigineqarpoq. Isumaliutissiisummilu immikkoortoq 3 aamma 4 naapertorlugit allannguutissatut siunnersuutinut nr. 24-imut, 30-mut, 31-mut, 40-mut, 52-imut, 113-imut, 115-imut, 116-imit 119-imut, 120-mut aamma 125-mut isummernissani ataatsimiititaliap *kinguartippaa*.

1.3.4 Aningaasaqarnermut Ataatsimiititaliap ataatsimut isigalugu isummernera

Naalakkersuisut 2014-imi aningaasanut inatsisissatut siunnersuutaat tapersernerlugu tapersinnerlugulu Aningaasaqarnermut Ataatsimiititaliap maanna oqaatigisinnaanngilaa. Aningaasanut inatsisissatut siunnersuut pillugu inassuteqaatini inaarutaasoq pingajussaaneerinissamut ilassutitut isumaliutissiisummini ataatsimiititaliap saqqummiutissavaa.

Taamaattorli allannguutissatut siunnersuutit Naalakkersuisunit Aningaasaqarnermut Ataatsimiititaliamut nassiunneqartut amerlanersaat Aningaasaqarnermut Ataatsimiititaliamit taperserreqarsinnaapput. Siunnersuutit Aningaasaqarnermut Ataatsimiititaliamit isumaqatigineqanngitsut siunnersuutilluunniit Naalakkersuisut siusinnerusukkut paasissutissiisutigisaat naapertorlugit amigaatiginarsorinartut isumaliutissiisummi kingusinnerusukkut taasaqarfigineqassapput.

1.3.5 2014-imi aningaasanut inatsisissap inaarutaasup naammassineqarnissaa aammalu 2015-imi aningaasanut inatsisissatut siunnersuummik piareersaanissaq

Paasissutissat aalajangersimasut 2014-imi aningaasanut inatsisissami inaarutaasumi imaluunniit 2015-imi aningaasanut inatsisissatut siunnersuummi ilanngunneqarnissaat allanngortinneqarnissaalluunniit Aningaasaqarnermut Ataatsimiititaliamit taperserreqartoq isumaliutissiisummi piffinni arlalinni allassimasinnaavoq. Assersuutigalugu aningaasanut inatsisissatut siunnersuutip ilusiliinikkut iluarsissuteqarfigineqarnissaata allannguutissatut siunnersuuteqarnikkut pinissaa pisariaqanngitsoq nalilerneqartillugu imaluunniit iluarsiinissaq kissaatigineqartoq paasis-

sutissatigut tunngaviit amigaataanerat pissutigalugu pisinnaatinnagu Aningaasaqarnermut Ataatsimiititaliaq taama qinnuiginnittarpoq.

Oqariartuutit taamaattut Naalakkersuisunit apeqqusiinertaqanngitsumik tusaatissatut tiguneqartarnissaat aningaasanullu inatsimmi iluarsiiissutissat kissaatigineqartutut pisarnissaat Aningaasaqarnermut Ataatsimiititaliamit soorunami naatsorsuutigineqarpoq. Allanguutissatut kissaatigineqartoq naatsorsuutigineqaraluartutut pisinnaanngitsutut naapertuutinngitsutulluunniit Naalakkersuisut isigippassuk Naalakkersuisut akissuteqaataanni tamanna ersarissumik oqaatigineqassasoq ataatsimiititaliamit naatsorsuutigineqarpoq. Naalakkersuisut nalunaaruteqanngippata tamanna ataatsimiititaliap oqariartuutaanik Naalakkersuisut pituttuisumik akuersinerattut Inatsisartunit, tassunga ilanngullugu Aningaasaqarnermut Ataatsimiititaliamit isigineqassaaq.

2. Aningaasaqarnermut Ataatsimiititaliap apeqquai/oqaaseqaatai aalajangersimasut – suliassa qarfinnut agguataarlugit

Isumaliutissiissummi **ilanngussat A** aamma **B**, Aningaasaqarnermut Ataatsimiititaliap Naalakkersuisunut allagaanik Naalakkersuisullu akissutaanik imaqtut, aallarniutigalugit innersuusutigineqassapput. Immikkoortuni tullerni atortussat taakku (ungaluusikkani) arlaleriarluni innersuussutigineqarput.

2.1. Suliassa qarfik 10-12 Naalakkersuisut siulittaasuut

Suliassa qarfinmi tassani Naalakkersuisut akissutaannik misissuinerminut atatillugu Naalakkersuisut siulittaasuannik ataatsimiititaliap apersuivoq. Aggeqqusissut apersuinernullu allakkiaq kiisalu ilanngussat tassunga atasut isumaliutissiissummut **ilanngussaq D-tut** ilanngunneqarput.

Naalakkersuisumik apersuineq ull. 15. oktober ingerlanneqarpoq **ilanngussaq D-milu** takuneqarsinnaasutut apeqquait tallimat Naalakkersuisut siulittaasuannut oqaloqatiginnissutigineqarnissaat ataatsimiititaliamit kissaatigineqarpoq. Naalakkersuisut akissutaannut tunngatillugu **ilanngussaq D** innersuussutigineqarpoq. Oqallinnerni sammisaq soqutigineqarnerpaaq ataatsimiititaliap apeqquataanut 3-mut tunngavoq, tassaallunilu Kalaallit Nunaata Washingtonimi aallartitaqarfissaa.

Naalakkersuisumik apersuinermi makku ilaatigut ataatsimiititaliamit oqaluuserineqarput:

Konto pingaarneq 10.13.10 Aktiaateqarluni ingerlatseqatigiiffinit iluanaarutit, tunnius-sinerit tunisinerillu

Apersuinermi apeqquummut tunuliaqutaasoq:

Apeqquut 5.3-mut Naalakkersuisup akissutaa konto pingaarnermut 10.13.10-mut tunngasoq. Matumani **ilanngussaq B** innersuussutigineqarpoq.

Aktiaateqarluni ingerlatseqatigiiffiit Namminersorlutik Oqartussanit tamakkiisumik ilaannakortumilluunniit pigineqarnerat pissutigalugu iluanaarutinit, aningaasaatinik ikilisisinikkut tunniussinernit aammalu aktianik tunisinerit allatulluunniit isertitaasunit Nunatta Karsiata isertitai kontomi isertitatut nalunaarsorneqartarput.

Konto pingaarnermi siuliani taaneqartumi ukiumi aningaasanut inatsiseqarfiusumi 2014-imi 110,5 mio. kr.-it aammalu 2015-imi 125,5 mio. kr.-it isertitatut nalunaarneqarnissaat siunnersuutaqqaarpoq. **Ilanngussaq B** apeqquut 5.3-mi allassimasutut aktiaateqarluni ingerlatseqatigiiffinnut Namminersorlutik Oqartussanit pigineqartunut atatillugu iluanaarutissatut missingikkat immikkoortitikkat ataatsimiititaliamut nassiuinneqarput. Takussutissiami nassiuinneqartumi allassimavoq ukiumi aningaasanut inatsiseqarfiusumi 2014-imi iluanaarutissatut missingikkat 126,5 mio. kr.-iusut aammalu 2015-imi 125,5 mio. kr.-iusut. 2014-imi aningaasanut inatsisissatut siunnersuutip aammalu 2014-imi allannguutissatut siunnersuutip akornanni 16 mio. kr.-inik nikingassuteqartoqartoq ataatsimiititaliamit paasineqarpoq.

2014-imi aningaasanut inatsisissatut siunnersuummik aappassaaneerinissamut Naalakkersuisut allannguutissatut siunnersuutininik ulloq 11. oktober saqqummiussipput. Sammisaq 3-p ataani: Isertitaqarnerunissamik inatsisitigullu aningaasartuutinit pissussaaffigisanit naatsorsuutit nutaat ataanni allannguutissatut siunnersuutitut nr. 37-itut Naalakkersuisut siunnersuutigaat kontomi pingaarnermi matumani isertitassatut missingerneqartunik nalileeqqinnerup kingunerisaanik

UKA 2013/7

J.nr. 01.31.11-00013

isertitassatut missingikkat 2014-imi 68,5 mio. kr.-inik aammalu 2015-imi 62,5 mio. kr.-inik amerlineqassasut aammalu 2016-imi 2017-imilu 1,5 mio. kr.-inik ikilineqassasut. Taama annertutigisumik qaffariaateqartoqarneranut isertitat siuliani taaneqartut sorliit pissutaanersut allannguutissatut siunnersuummi allassimangilaq.

2.2. Suliassaqarfik 20-24 Aningaasaqarnermut Naalakkersuisoq

Suliassaqarfimmi tassani Naalakkersuisut akissutaannik misissuinerminut atatillugu Naalakkersuisumik ataatsimiititaliaq apersuivoq. Aggeqqusissut apersuinernullu allakkiaq kiisalu ilanngussat tassunga atasut isumaliutissiisummut ilanngussaq E-itut ilanngunneqarput.

Naalakkersuisumik apersuineq ull. 21. oktober ingerlanneqarpoq **ilanngussaq E-imilu** takuneqarsinnaasutut apeqqutit 14-it Naalakkersuisumut oqaloqatiginnissutigineqarnissaat ataatsimiititaliamit kissaatigineqarpoq. Naalakkersuisut akissutaannut tunngatillugu **ilanngussaq E** innersuussutigineqarpoq. Oqallinnerni sammisaq soqutigineqarnerpaaq ataatsimiititaliap apequtaanut 3-mut tunngavoq.

Naalakkersuisumik apersuinermi akineqartussatut Aningaasaqarnermut Ataatsimiititaliap apeqputaa: (apeqqut 2 D)

Inuiaqatigiinni aningaasat kaaviiartinneqartut annertusarnissaat anguniarneqassasoq aammalu nalituunngortitsinermi aningaasat nunatsinni sulisinneqarnissaat qulakkeerniarneqassasoq naalakkersuisooqatigiit isumaqatigiissutaanni allassimavoq. Tassunga atatillugu oqaatigineqarpoq Aningaasaqarnermut Siunnersuisooqatigiit akuutinneqassasut.

- d. *Aningaasat kaaviiartut annertusarnissaat siuliani taaneqartoq pisortani imaluunniit namminersortuni pisussatut Naalakkersuisunit isumaqarfigineqarpa?*
- e. *Inuiaqatigiit atugarissaarnerannik maanna aaqqissuussisimaneq taassuminngalu aningaasalersuinermi tunngavik amigartooruteqarnissamut tunngavissiissasut, taamaattumillu ineriartorneq attanneqarsinnaassanngitsoq Aningaasaqarnermut Siunnersuisooqatigiit kingullermik nalunaarusiaanni allassimavoq. Tamanna Naalakkersuisunit isumaqatigineqarpa?*

Apeqqummut tassunga ilassutitut oqaatigineqarpoq pisiortornermut politikki eqqarsaatigalugu nunatsinni suliffeqarfimmik ingerlatsinerup akisunerusinnaanera saneqqunneqarsinnaanngitsoq, tamannalu assersuutigalugu Danmarkimi inniminniisoqartarneranut peqputaaqataasoq. Taamaattoqarneranik ataatsimiititaliap oqarnera Naalakkersuisumit isumaqatigineqarpoq, tassumalu siusinnerusukkut pisarsimasut siunissami uteqqinneqartariaqanngitsut eqqaavai. Pisiortornermut politikkip inuiaqatigiinnut iluaqutaasussaana isumaqatigiissutigineqarpoq, naak pisiortorneranni sipaaruteqarnissamut tunngavissaqartoq Naalakkersuisunit aalajangiusi-maneqartoq.

Apeqqut 3

Apeqqummut tunuliaqutaasoq:

Apeqqut 3.2-mut Naalakkersuisup akissutaa AIS 2014-ip aamma naalakkersuisooqatigiinnissamik isumaqatigiissummi anguniakkat pingaarutillit ataqatigiissinnerannut tunngasoq.

Naalakkersuisumik apersuinermi akineqartussatut Aningaasaqarnermut Ataatsimiititaliap apeqputaa:

UKA 2013/7

J.nr. 01.31.11-00013

Aaqqissuusseqqinnerit nammineq pilersornerulernissamut suliffeqalernissamullu kajungilersit-sissasut pisortallu ikiorsiissutigisartagaasa oqimaaqatigiinnerusumik agguarneqartalernerannik kinguneqassasut Naalakkersuisut akissuminni allapput. Tamanna itisileqqullugu Naalakkersuisoq qinnuigineqarpoq.

Kiisalu aningaasanut inatsimmik suliarinninnermut tunngatillugu kingullertut oqaatigineqartut piffissamut qanittumut imaluunniit ungasinnerusumut tunngatinneqarnersut paasissutis-siissutigeqqullugu Naalakkersuisoq qinnuigineqarpoq.

Apeqqummut tassunga ilassutitut utoqqalinermit pensionisiat pillugit apeqquteqartoqarpoq. Tamatumani tunngavigineqarpoq inuttaasunik siumut naatsorsuinerup takutimmagu inuttaasut akornanni utoqqaat ukiuni aggersuni amerliartuaassasut. Atugarissaarnermi qitiusumik sullis-sissutitut, soorlu utoqqalinermit pensionisianut utoqqaallu isumassorneqarnissaannik neqeroo-rutitut, pisortat missingersuutaat tamatuminnga annertuumik sunnerneqassasut ataatsimiiti-taliamit naatsorsuutigineqarpoq. Utoqqalinermit pensionisianut tunngatillugu pissutsit assigiin-gitsut pillugit Naalakkersuisoq maannangaaq aalajangersimasunik oqaatigisassaqaanngilaq, paasissutissiissutigisinnaalluguli aningaasartuutit qaffariarujussuarsinnaasut. Aappaarisap ima-luunniit inoqutigiit isertitaat apeqqutaatinnagit utoqqalinermit pensionisiaqartoqalersinnaa-nersoq Naalakkersuisup aamma akisinnaanngilaa, qularutiginaaguli inuit pisariaqartitsisut pis-sarsisariaqarnerat. Pensionisianut aaqqissuussineq utoqqalinissamut sipaaruteqartoqarnissaannik qulakkeerisup atuutsilerneqarnissaa isumaliutigineqartariaqartoq Naalakkersuisoq aamma isumaqarpoq.

Apeqqut 5

Apeqqummut tunuliaqutaasoq:

Apeqqut 3.12-imut Naalakkersuisup akissutaa pisortat ingerlatsinerannik kommuninillu suleqa-teqarnermik nutarterinnermut tunngasoq.

Naalakkersuisumik apersuinermit akineqartussatut Aningaasaqarnermut Ataatsimiititaliap apeq-qutaa:

- a. *Naliliinissaq nalunaarusiami immikkoortoq 7 C-mi taaneqartoq qaqugu naammassereertussatut piffissaligaava?*

Nalunaarusiaq ukiakkut ataatsimiinnerup ingerlanerani Naalakkersuisumit ataatsimiititaliamut saqqummiunneqarlunilu nassuiarneqassasoq ataatsimiititaliamit siunnersuutigineqarpoq. Apeqqutigineqartoq Naalakkersuisumit tusaatissatut tiguneqarpoq.

Apeqqut 6

Apeqqummut tunuliaqutaasoq:

Apeqqut 3.16-imut Naalakkersuisup akissutaa akiitsut ineriartornerannut tunngasoq.

Naalakkersuisumik apersuinermit akineqartussatut Aningaasaqarnermut Ataatsimiititaliap apeq-qutaa:

- a. *Ataatsimiititaliap piunasaqaatitut saneqqunneqarsinnaanngitsutut isigaa ingerlatsiner-mut aningaasartuutit qaffataasa akilernissaannut taarsigassarsisoqaannginnissaa, taamaallaalli tamanna pissalluni aningaasaliissutit pisariaqartut utertinneqarnissaat naat-sorsuutigalugu sanaartornermut aningaasartuutitut aningaasassaqaarnissaq qulakkee-*

rumallugu. Tunngavissaq tamanna aallaavigalugu aningaasanut inatsimmi amigartoorutit aningaasalersorneqarnissaat Naalakkersuisunit qulakkeerneqarsimava?

Taarsigassarsiasat 200 mio. kr.-it ingerlatsinermit sanaartornermulluunnii atorneqassanersut pillugu apeqqummut Naalakkersuisoq akissuteqarpoq ukiumi aningaasanut inatsiseqarfiusumi ukiumilu missingersuusiorfiusuni IST-mi missingersuutit oqimaaqatigiiffiunissaannik pilersaaruteqarnermi, tassa 2014-imi 2015-imilu amigartooruteqarfiumissaannik aammalu sanaartugasanut iluarsagassanullu aningaasaateqarfimmit aningaasanik atuinissap ingerlaannarnissaannik naatsorsuutiginninnermi, aningaasat tigorianaanaat tamarmiusut qulakkeerniarlugit 200 mio. kr.-inik taarsigassarsinissaq pisariaqassasoq.

Akiitsut ineriartornerat ingerlatsinikkut, tapiissuteqartarnikkut inatsisitigullu pisussaaffigalugit aningaasartuutit ineriartornerannit sunnerneqannginnissaa Naalakkersuisunit qulakkeerneqassasoq ataatsimiititaliap sakkortunerpaamik inassutigissavaa, sanaartornermulli aningaasartuutit utaqqiisaagallartumik immikkullu ittumik nikerarnerannut taamaallaat atatillugu taarsigassarsisoqartarnissaa Naalakkersuisunit qulakkeerneqassalluni.

Apeqquut 10

Apeqquummut tunuliaqutaasoq:

Apeqquut 6.11-mut Naalakkersuisup akissutaa konto pingaarneq 20.11.51-imut tunngasoq.

Naalakkersuisumik apersuinermi akineqartussatut Aningaasaqarnermut Ataatsimiititaliap apeqquataa:

- a. *Naalakkersuisut apeqqummut e-mut akissummi allapput isertitat ilanngunneqartut qangatut naliligaasut, tamannalumi misissueqqissaarnermi tunngavissaq suli paasilluarneqarsimatinnagu akisussaassuseqartuliornersuaaq. Ataatsimiititaliamittaaq paasilluarneqarsinnaavoq 2014-imi pinnani aatsaalli 2015-imit isertitaqarnissap missingersuutigineqarnera. Aningaasanik qularnartunik missingersuutiginninnikkut piffissap qinigaaffiusup matuma nanerani aningaasanut inatsisip oqimaaqatigiinnissaannik anguniagaq angujuminaalleriaannaavoq. Qangatut missingiinermik oqarneq ataatsimiititaliamit qanoq paasineqassava?*
- b. *Pensionisianik akileraarusersuineq sulisartunut assigiinngitsunut sunniuteqassava?*
- c. *Inuit Kalaallit Nunaanni najugallit Danmarkimi pensionisianut aaqqissuussat malillugit pensionisiassallit 2013-imi januarimit pensionisiassanit iluanaarutinit akileraarutininik akiliinngitsoorsinnaatitaajunnaarpata, tamatuma kingunerissavaa marloqiusamik akileraarusersuisoqalissasoq?*

Iluarsaaqqinnerup aningaasaqarnikkut kingunerisassai 2014-imi upernaakkut matoqqasumik ataatsimiissutigineqarsinnaasut ataatsimiititaliamit kissatigineqarpoq, taamaalinerani misissueqqissaarnermi tunngavigisaq naammasseriissasoq ilimagineqarmat. Iluarsaaqqinnermi suliami tamatumani qanimut suleqatigiiffiusussatut naatsorsuutigineqarluni partiit kommunillu peqataatinneqarnissaat neriorsuutigineqarsimasoq Naalakkersuisoq oqarpoq. Aningaasaqarneq eqqarsaatigalugu siumut naatsorsuutiginnisamik pisoqannginnissaa taamatut suliaqarnikkut qulakkeerneqassasoq ataatsimiititaliamit pingaartinneqarpoq.

Apeqquut 13

Apeqquummut tunuliaqutaasoq:

UKA 2013/7

J.nr. 01.31.11-00013

Apeqquut 6.19-imut Naalakkersuisup akissutaa konto pingaarneq 24.01.15-imut tunngasoq.

Naalakkersuisumik apersuinermi akineqartussatut Aningaasaqarnermut Ataatsimiititaliap apeq-
qutaa:

Pisassarisat akilersinniarlugit immikkut ittumik suliniuteqartoqaraluartoq akiligassatigut kinguaattoorutit annertunerusumik appariaateqannngimmata ataatsimiititaliamit paasiuminaatsinneqarpoq. Takussutissiimi takuneqarsinnaavoq suliat amerleriarsimasut aammalu akiligassanik kinguaattoorutit 3 % inulaarlugu taamaallaat appariarsimasut. Taamaattumillu ajornartorsiut allangoriarfiusimangitsutut ataatsimiititaliamit isigineqarpoq.

- a. *Konto pingaarneq 24.10.10-mi allassimavoq akiligassatigut kinguaattoorutinut 20 mio. kr.-it 2014-imi isumakkeerinnissutigineqarnissaat missingersuutigineqartoq. Aningaasat takku kontomit pingaarnermit matuminninga nuunneqarsimanersut paasissutissiissutigineqassasoq ataatsimiititaliamit kissaatigineqarpoq.*

Ataatsimiititaliap isiginninnera Naalakkersuisumit isumaqatigineqannngilaq, taassumalu paasissutissiissutigaa akiitsut 2011-mi augustimi 962,6 mio. kr.-iusimallutik 2013-imi julimi 868,2 mio. kr.-inngorsimasut. Tassunga atatillugu ataatsimiititaliamit oqaatigineqassaaq 2012-imi augustimi akiligassatigut kinguaattoorutit 2013-imi augustimi kisitsisinut sanilliunneqarsimmata, taakkulu Naalakkersuisut ull. 24. september akissutaanni allassimapput. Ukiuni marlunni taakkunani akiligassatigut kinguaattoorutit taama ikileriarsimanerat assut nuannaarutissaavoq. Naak akiligassatigut kinguaattoorutinik suliassat 10.000-it missaannik amerleriarsimagaluartut, tamatuma peqatigisaanik ataatsimiititaliamit nuannaarutigineqarpoq akiligassatigut kinguaattoorutit suliassani ataasiakkaani akiitsorisat agguaqatigiissillugu ikileriarsimanerat. Suliassaqarfik taanna annertuumik suliniuteqarfiusussatut ataatsimiititaliamit isigineqarpoq. Suliniutinik aallussinerup aalajangiusimaneqarnissaanik aammalu tamatuma suuariartornera pillugu ataatsimiititaliamut ilisimatitsissuteqaqqullugit Naalakkersuisut ukioq siulianisullu ataatsimiititaliamit kaammattorneqarput.

Akiligassatigut kinguaattoorutit meeqqanut akilersuutinut attuumassuteqartut 300 mio. kr.-iullutik amerlanerpaajusut, akileraartarnikkut akiitsut 200 mio. kr.-erluinnaasut akiitsullu ineqarnermut tunngasut 90 mio. kr.-it missaanniittut ataatsimiititaliamit maluginiarneqarpoq. Suliassaqarfiit taakku taama qaffasitsiginerannut pissutsit immikkut ittut pissutaanersut ataatsimiititaliamit paaserusunneqarpoq.

Naalakkersuisumik apersuinermi akineqartussatut Aningaasaqarnermut Ataatsimiititaliap apeq-
qutaa:

- b. *Akiligassatigut kinguaattoorutit nunap immikkoortuinut agguataarneqarnerat paasissutissiissutigineqassasoq ataatsimiititaliap kissaatigaa aammalu takussutissiaq kommuninut agguataagaq takorusullugu.*
- c. *Pilersuisoq aqutigalugu akileeriaaseq innuttaasut akiligassatigut kinguaattoorutinut akiliiniarnerannut ajoqutaanersoq paasissutissiissutigineqassasoq ataatsimiititaliamit kissaatigineqarpoq.*

Kisitsisit ujartorneqartut pissarsiarineqarnissaat Naalakkersuisunit sulissutiginiarneqarmat ataatsimiititaliamit nuannaarutigineqarpoq. Kisitsisut piffissap ingerlanerani ineriartornerannik sanilliussisinnajumalluni kisitsisit taakku aningaasanut inatsisissamik suliaqarnermut atatillugu imaluunniit Naalakkersuisut aningaasaqarnikkut ingerlatsineq pillugu ukiumoortumik

nalunaarusiaatigut ataatsimiititaliamit pissarsiarineqartartuuppata, tamanna ataatsimiititaliamut assut oqilisaataassaaq.

Apeqquut c-mut atatillugu Naalakkersuisumik apersuinerup nalaani oqaatigineqarpoq kommunit kattussuunnerisa kingorna kommunini akiitsunik akiliiniarneq ajornarnerulersimasoq aammalu saaffiginnittarfimmi akiliinermi akiliuteqartitsisoqartartoq, naak pissutsit tamakku eqqarsaatigalugit sullissinissamik isumaqatigiissuteqartoqaraluartoq. Paasissutissat taakku soqutigintartut Naalakkersuisumit isigineqarput aammalu suliame susassaqtartut tamanna pillugu oqaloqatigiumaneqarput.

2.3. Suliassaqarfik 30 Ilaqutariinnermut Inatsisinillu Atortitsinermit Naalakkersuisoq

Suliassaqarfimmi tassani Naalakkersuisut akissutaannik misissuinerminut atatillugu Naalakkersuisumik ataatsimiititaliaq apersuivoq. Aggeqqussissut apersuinernullu allakkiaq kiisalu ilanngussat tassunga atasut isumaliutissiissummut **ilanngussaq F-itut** ilanngunneqarput.

Naalakkersuisumik apersuineq ull. 9. oktober ingerlanneqarpoq **ilanngussaq F-imilu** takuneqarsinnaasutut apeqquutit pingasut Naalakkersuisumut oqaloqatiginnissutigineqarnissat ataatsimiititaliamit kissaatigineqarpoq. Naalakkersuisut akissutaannut tunngatillugu **ilanngussaq F** innersuussutigineqarpoq.

Naalakkersuisumik apersuinermit makku ilaatigut ataatsimiititaliamit oqaluuserineqarput:

Apeqquut 1

Utoqqarnut tunngasut:

Apeqquummut tunuliaqutaasoq:

Apeqquut 3.11-mut Naalakkersuisup akissutaa utoqqarnut tunngasoq. Aningaasaqarnikkut kinguneqaataasinnasaut aningaasanut inatsimmut ilanngunneqartinnagit pensionisiaqarnermut aaq-qissuussineq qanoq naleqqussarneqarsinnaanersoq pillugu erseqqinnerusumik nalilersuinermit misissueqqissaarnermillu aallartitsisoqassasoq naalakkersuisup paasissutissiissutigaa. Misissueqqissaarnerup taassuma qaqugu ingerlanneqarnissaanik ataatsimiititaliap apeqquutaanut atatillugu naalakkersuisup paasissutissiissutigaa isumaginninnermut ikiorsiissutinik iluarsaaqqinnermut atatillugu utoqqalinermit pensionisiaqartitsinermit naleqqussaannerup ilaatinneqarnissaa naatsorsuutigineqartoq. Suliassaq taanna 2014-ip ingerlanerani aallartinneqartussatut naatsorsuutigineqarpoq.

Naalakkersuisumik apersuinermit akineqartussatut Aningaasaqarnermit Ataatsimiititaliap apeqquutaa:

- a) *Pensionisiaqarnermut tunngasuni immikkuualuttut inissinneqarnissaannut piffissanngortoq ataatsimiititaliaq isumaqarpoq. Tamanna qaqugu pisussatut Naalakkersuisumit naatsorsuutigineqarpa?*

UKA 2014-imi inatsissatut siunnersuut aalajangersimasoq piariissasoq naatsorsuutigineqartoq Naalakkersuisup paasissutissiissutigaa. Piffissami qinigaaffimmi aningaasanut inatsit oqimaqatigiinnersoq nalilersinnaajumallugu paasissutissat taakku maanna pisariaqtartut ataatsimiititaliamit isigineqarput.

Missingersuutunik qangatut naliligaasunik atuineq qanoq paasisariaqarnerseq ataatsimiititaliamit paaserusunneqarpoq. Naalakkersuisup paasissutissiissutigaa Aningaasaqarnermut Naalakkersuisoq ikiortigalugu apeqqut akisinnaallugu. Naalakkersuisoqarfiup aningaasanut inatsimmut atatillugu suliaqarnerani kisitsisit pineqartillugit Aningaasaqarnermut Naalakkersuisoq peqataatinneqartartoq Naalakkersuisup paasissutissiissutigaa, taamaattorli isumagininnermi anguniakkanut tunngasorpiani peqataatinneqassasani.

Innuttaasut Danmarkimut nuuttut amerlanerujartuinnartut malitsigisatut apeqquteqarnermi tikinneqarput. Innuttaasut pisortanit ikiorsiissutit pisartagaqartut amerlassuut aningaasaqarnerniartit ajornartorsiutigigaat naalakkersuisup nassuerutigaa. Ikiorsiissutit tunniunneqartut amerlasuutit nungulertorneqartarput. Tamanna ajornartorsiutit angisuutut ataatsimiititaliamit isigineqarpoq, tassungali tunngasut suliniuteqarfigineqannginnerini paasissutissat katerorneqaaqqaartariaqarput. Ataatsimiititaliamilli oqaatiginngitsoorumaneqanngilaq Aningaasaqarnermut Ataatsimiititaliaasarsimasut ima oqaasertalimmik arlaleriarlutik kaammattuuteqartarsianerat:

”Kaammattuut nr. 4

Ilaqutariinnermut tunngasuni tamani kisitsisitigut paasissutissanik pissarsisinnannissamut tunngavissap pisariaqartup Naalakkersuisunit qulakkeerneqarnissaa ataatsimiititaliamit sakkortuumik kaammattuutigineqassaaq. Sulinerup tamatuma annertuumik siuariarfusimanerata inernerinut uppersaatit kingusinnerpaamik 2009-mi aningaasanut inatsisissatut siunnersuummik saqqummiussinnermut atatillugu Naalakkersuisunit saqqummiunneqarnissaat ataatsimiititaliamit naatsorsuutigineqarpoq.”

Taamaattumik suliassaqarfiup iliuani iluarsaaqqinnissat nukinginnartut paasissutissatigut tunngavinnik amigaateqarneq innersuussutigalugu kinguardeqqinneqarnerat ataatsimiititaliamit eqqumiigineqarpoq.

Taamaattumik kaammattuut siuliani allassimasoq ataatsimiititaliap ukioq manna aammaarluni uteqqissavaa.

2.4. Suliassaqarfik 34-35 Peqqissutsimut Attaveqarnermullu Naalakkersuisoq

Suliassaqarfimmi tassani Naalakkersuisut akissutaannik misissuinnerminut atatillugu Naalakkersuisumik ataatsimiititaliaq apersuivoq. Aggeqqusissut apersuinnermullu allakkiaq kiisalu ilanngussat tassunga atasut isumaliutissiissummut **ilanngussaq G-tut** ilanngunneqarput.

Naalakkersuisumik apersuineq ull. 11. oktober ingerlanneqarpoq **ilanngussaq G-milu** takuneqarsinnaasutut apeqqutit sisamat Naalakkersuisumut oqaloqatiginnissutigineqarnissaat ataatsimiititaliamit kissaatigineqarpoq. Naalakkersuisut akissutaannut tunngatillugu **ilanngussaq G** innersuussutigineqarpoq.

Naalakkersuisumik apersuinnermi makku ilaatigut ataatsimiititaliamit oqaluuserineqarput:

Apeqquut 1

Apeqqummut tunuliaqutaasoq:

UKA 2013/7

J.nr. 01.31.11-00013

Apeqquut 3.10-mut Naalakkersuisup akissutaa peqqissutsimut periusissiamut tunngasoq. (Takuuk ilanngussaq B)

Taamatut sulinermi sipaarutissatut anguniagassanik aalajangersaasoqarsimanersoq aammalu suliassat suut erseqqinnerusumik nukittorsaaviginiarneqarnersut paasissutissiissutigineqassasoq ataatsimiititaliamit kissaatigineqarsimavoq.

Peqqinnissaqarfiup aningaasaqarnera, pisariillisaanerit aqutsinalu eqqarsaatigalugit anguniakkat ima qulequtalerlugit Naalakkersuisup ersarissarpai ”Pimoorussaasumik nukinneq atui-neq aqutsinerlu”.

Naalakkersuisumik apersuinermi akineqartussatut Aningaasaqarnermut Ataatsimiititaliap apeq-qutaa:

- a) *Peqqissutsimut periusissiaq siunertanut kontonut ataasiakkaanut sorlernerut qanoq sunniuteqassanersoq, suliassaqarfiit sorliit atuiuneruffiusimanersut aammalu annertuumik missingersuusiortarnerit aaqqinniarlugit qanoq iliuuseqartoqalersaarnersoq paasissutissiissutigineqassasoq ataatsimiititaliamit kissaatigineqarpoq.*

Apersorneqarnermini Naalakkersuisup ilaatigut akissutigaa ukiuni arlertuni kontot pingaarnerit makku aningaasatigut artukkiisut:

Konto pinganeq 34.11.01 – Napparsimasut timimikkut nappaatillit nunani allani katsorsarneqartarnerat

Konto pingarneq 34.12.03 – Ataatsimut aningaasartuutit, napparsimasunik angallassinernut il.il.

Konto pingarneq 34.12.05 – Nunatta Nakorsaataasivia.

Aningaasaqarnikkut artukkerneqarnermut aningaasartuutit akinut akissarsianullu iluarsissutinit qaffariarnerusimanerat pissutaasoq paasissutissiissutigineqarpoq. Tamatuma saniatigut assigiinngitsutigut atugaviit nalinginnaasumik qaffakkiartorsimapput, ilaatigut kræftimut nakorsaatinik gigtimullu nakorsaatinik atui-neq ukiuni kingullerni annertuseriarujussuarpoq.

Ikinaaraluni missingersuusiortarneq ileqqusoq paasissutissiissutigineqarpoq, tamannalu ataatsimiititaliap isumaa malillugu akuerineqarsinnaanngilaq. Taamaattumik aningaasaliissutit aallaaviginagit ingerlatalli aallaavigalugit missingersuusiortarnissaq Peqqinnissaqarfimmit aalluniarneqarpoq, tamannalu aningaasanut inatsisissatut siunnersuummik suliaqarnermi pitsaanerusumik tunngavissaqarnissamik kinguneqassaaq – missingersuusiortarnerli taamaattoq peqqinnissamut tunngasuni aningaasartuutit ataatsimut isigalugu amerleriaqqinnerannik kinguneqarsinnaavoq. Tamatuma saniatigut aningaasaliissutit ingerlatassatullu pilersaarutigineqartut ingerlaavartumik malinneqarnersut pillugu malitseqartitsineq Peqqinnissaqarfimmit maanna annertunerusumik aallunneqarpoq. Tamatuma peqatigisaanik ataatsimiititaliamit naatsorsuutigineqarpoq taamaaliornikkut ukiumoortumik missingersuusiortarnernut atatillugu siusinerusukkat atukkat siumut naatsorsorneqartarnerat annikillisinneqassasoq.

Ataatsimiititaliamit tamanna immikkut nersortarialittut isigineqarpoq, tassami aningaasaqarnermik aqutsinermik taama sukaterineq pitsaanerusumik missingersuusiortarnissamut aammalu ilassutitut aningaasaliissuteqarnissamik Aningaasaqarnermut Ataatsimiititaliamut qinnuteqaatit ikilisinnaanannerannut peqataaqataasussatut naatsorsuutigineqarmat. Ilassutitut aningaasaliissuteqarnissamik qinnuteqaatinik nassiussinissamut pisariaqartitsineq annikilliartortoq aammalu ukiumut aningaasanik inatsiseqarfiusumi 2013-imi annikitsuararsuusoq Naalakkersuisup oqaa-

UKA 2013/7

J.nr. 01.31.11-00013

tigaa. Taamaalillunilu 2013-imut missingersuutit tamarmiusut malinneqarnissaat naatsorsuutiginerpoq.

Immikkoortumi tassani Peqqinnissaqarfiup iluani nunap immikkoortuinut eqiterineq aamma tikinneqarpoq. Ataatsimiititaliap paasinninnera malillugu nunap immikkoortuinut eqiterinermit nunap immikkoortuini nukittorsaanissaq siunertaavoq aammalu innuttaasut nunap immikkoortuini katsorsartissinnaassasut. Ilaatigut napparsimasut angalaneri napparsimasunillu angallassigasuernerit qimerlooraanni tamanna nalinginnaasuosorinanngitsoq ataatsimiititaliami ilaasortat arlallit oqaatigaat. Taamaalilluni nunap immikkoortuinut eqiterineq innuttaasut tunngaannit isigalugu iluatsissimanersoq apeqqutaavoq. Missingersuutinik nakkutilliinerup pitsanngoriarneratigut nunap immikkoortuinut eqiterineq aningaasaqarnermik aqutsinerup annertuumik pitsanngoriaateqarneranut peqataaqataasimasoq Naalakkersuisup paasissutissiissutigaa. Taamaattorli suliniut iluatsilluarsimanersoq paasissutissiissutigineqanngilaq. Apeqqut taanna akineqassasoq ataatsimiititaliamit kissaatiginerpoq. Ataatsimiititaliaq isumaqarpoq Peqqinnissaqarfiup nunap immikkoortuinut eqiterineqarnera nunap immikkoortuini sisamani tamani neqeroorutit assigiiaalernerannik kinguneqassasoq aammalu katsorsaanissaq aningaasassaqaqtinneqarlunilu isumannaatsumik pisinnaappat nunap immikkoortuani najugarisami neqeroortiginerpoq, taamaaliornikkut napparsimasut sapinngisamik angerlarsimaffimminnut qanittumi katsorsarneqarsinnaaqullugit.

Ingerlatat aqunneqarsinnaanngitsut annertuumik ajornartorsiutaanerat aammalu aningaasaliisutit amerlinngikkaluarlugit maanna ingerlataqassuseq attatiinnarniarlugu pisariillisaanikkut ukiumut 10-15 mio. kr.-it Peqqinnissaqarfiup maannamit pissarsiariniartariaqarai ataatsimiititaliamit paasilluarnerpoq. Akit qaffakkiartuinnarnerat pisariillisaanissanissamik pisariartitsinermut pissutaapput, pisariillisaasoqanngippallu Peqqinnissaqarfik aningaasanik amigateqalissaaq. Taamaalilluni pisariillisaanermut najoqqutassaq suliarinerpoq. Kalaallit Nunaanni innuttaasumut ataatsimut peqqinnissakkut aningaasartuutit, nunatta angissusia pissutigalugu akimmiffiusinnaasut ilanngutereerlugit, Savalimminut sanilliullugu ikinnerusut Naalakkersuisup paasissutissiissutigaa.

Kiisalu napparsimasut angalasarnerinut aningaasartuutit ikilineqarnissaannut periarfissat tikinneqarput. Napparsimasut angalaneri napparsimasunillu angallassigasuernerit immikkut eqqarsaatigalugit annertuumik atuisutut angallassisartut isumaqatigiissuteqarfigineqarsinnaanerat oqaatiginerpoq, tamannali periarfissaanersoq Naalakkersuisup qularutigaa, suliassarli misissorsinnaanerarlugu. Ilanngulluguli oqaatiginerpoq kingornagut Air Greenlandimut takunaaanermi taamatut ilimagisaqarnerup uppersarsineqarmat. Tamatuma Air Greenlandip pitsaaqutissaqartutut isiginngilaa, apeqqutilli angallannermut pilersaarutip atuuttup iluani aqqivigineqarnissaa orniginarnerutillugu. Taamaalillunilu suliame tassani nutaarsiassaqaqanngilaq. Annertuumik atuisutut isumaqatigiissutit immaqalu Peqqinnissaqarfiup nammineq timmisartusinnissaa ukiut sinnerlugit oqaluuserineqarsimapput.

2.5. Suliassaqaarfik 40 Ilinniartitaanermut, Ilageeqarnermut, Kultureqarnermut Naligiissitaanermullu Naalakkersuisoq

Suliassaqaarfimmi tassani Naalakkersuisut akissutaannik misissuinerminut atatillugu Naalakkersuisumik ataatsimiititaliaq apersuivoq. Aggeqqusissut apersuinernullu allakkiaq kiisalu ilanngussat tassunga atasut isumaliutissiissummut **ilanngussaq H**-tut ilanngunerpoq.

UKA 2013/7

J.nr. 01.31.11-00013

Naalakkersuisumik apersuineq ull. 14. oktober ingerlanneqarpoq **ilanngussaq H-milu** takuneqarsinnaasutut apeqqudit tallimat Naalakkersuisumut oqaloqatiginnissutigineqarnissaat ataatsimiititaliamit kissaatigineqarpoq. Naalakkersuisut akissutaannut tunngatillugu **ilanngussaq H** innersuussutigineqarpoq.

Naalakkersuisumik apersuinermi makku ilaatigut ataatsimiititaliamit oqaluuserineqarput:

Apeqqud 1

Apeqqudmut tunuliaqutaasoq:

Apeqqud 9.2-mut Naalakkersuisup akissutaa konto pingaarneq 40.02.01-imut tunngasoq. Nuummi ilinniartunut inissiat amigaataanerannik ajornartorsiut iliuuseqarfiginiarlugu Sermersooq Kommunitimik oqaloqateqarnertik Naalakkersuisut sumut killinneraat paasissutissiissutigineqassasoq ataatsimiititaliamit kissaatigineqarpoq.

Ilinniartunut nammineq innuttarisaminut inissialiornissaq Qeqqata Kommunita sallitissimaga Naalakkersuisup akissummini erseqqissarpaa, taamaattumillu nalilerneqartoq kommunip suliaasaq sallitissallugu toqqarpagu pisussaaffimmik tamatuminnga Sermersooq Kommunita kivitsisinnaasoq.

Naalakkersuisumik apersuinermi akineqartussatut Aningaasaqarnermut Ataatsimiititaliap apeqquda:

Nuummi ilinniartunut inissiat piffissami sivisuumi malunnaatilimmik amigaataaneri ajornartorsiutaavoq. Sermersuup kommunita tamatumani pisussaaffimminik isumaginnissinnaanermiut piginnaasaqarnera piumassuseqarneralu Naalakkersuisunit malitseqartinneqalersarpa?

Kommunita ilinniartunut inissiaataanik atugassiinissaq kommunip pisussaaffiginngikkaa Naalakkersuisup akissutigaa. Naalakkersuisumilli pingaartinneqarpoq illoqarfinni ilinniarfiusuni ilinniartut inissaasa amerlassusiat ilinniartut illoqarfimmi ilinniarfiusumeersuunngitsut amerlassusiannut nallersuutissasoq. Kiisalu kommunimik oqaloqateqarnerup ingerlanera pillugu ataatsimiititaliamut ilisimatitsissuteqarnissani Naalakkersuisup neriorsuutigaa.

Apeqqud 3

Apeqqudmut tunuliaqutaasoq:

Apeqqud 9.15-imut Naalakkersuisup akissutaa konto pingaarneq 40.92.10-mut tunngasoq.

Naalakkersuisumik apersuinermi akineqartussatut Aningaasaqarnermut Ataatsimiititaliap apeqquda:

- c. *Højskolit aningaasaqarnikkut ajornartorsiutaat qanoq aaqqinneqassanersut isumaqatigiissutigineqarsinnaanngippat aningaasanut inatsimmut kingunissai ataatsimiititaliamit paaserusunneqarput.*

Naalakkersuisut akissutaat ilanngussaq H-miittoq innersuussutigineqarpoq. Tassani ilaatigut allassimavoq højskolit pillugit inatsisip 2010-mi kingullermik allannortinnerani højskolit nalinginnaasumik perorsaataasumik ilinniartitsinissamik neqerooruteqarsinnaanerat killilersorneqarunnaarluni erseqqissumik ammaassiffigineqartoq aammalu ilinniarfiit tassunga attuumassuteqartut suleqatigalugit piginnaassusiliisumik ilinniartitsinissamik neqerooruteqarsinnaasut.

Illutaasa/inissiarthaasa Naalakkersuisunit tiguneqarsinnaanerit pillugu oqaloqatigiittoqartoq Naalakkersuisup nalunaarutigaa. Illutaasa atorluarneqarnissaat sapinngisamillu pitsaanerpaamik ilinniartitsisoqarnissaa pingaaruteqarpoq. Ilinniartitsissutit atuarfimmi ilinniartitsissutigineqartartut højskolinit neqeroortigineqarnissaat aporfissaqanngilaq, tamannalu saniatigut isertitaqarnissamut højskolinit pitsaasumik tunngavissiivoq.

Apeqquut 4

Apeqquummut tunuliaqutaasoq:

Apeqquut 9.18-imut Naalakkersuisup akissutaa konto pingarneq 40.92.16-imut, Perorsaanermit Ilinniarfimmumut Oqaatsinillu Pikkorissarfimmumut tunngasoq. Oqaatsinik Pikkorissarfiup ilinniartitaanermik ingerlatsinera kikkunnut sammititaanersoq aammalu Oqaatsinik Pikkorissarfiup ingerlataasa qanoq annertussuseqarnissaannut Naalakkersuisut qanoq piumasqaateqarnersut paasissutissiissutigineqassasoq ataatsimiititaliamit kissaatigineqarpoq. Naalakkersuisut inatsit innersuussutiginnarpaat paasissutissiissutigalugulu ingerlatat aqunneqarnissaannut siulersuisunik pilersitsisoqarsimasoq. Akissut ataatsimiititaliamit annikigineqarpoq. Ilaatigut inersuarmi oqallinnernit tusakkat tunngavigalugit ataatsimiititaliaq isumaqarpoq suliassaq naammassineqanngitsoq.

Naalakkersuisumik apersuinermit akineqartussatut Aningaasaqarnermit Ataatsimiititaliap apeqqutaa:

- a) *Tamanna pillugu kikkut inatsimmi pineqarnersut pinnagu Oqaatsinik Pikkorissarfiup ilinniartitsinermik ingerlatsinera kikkunnut naatsorsuussaansersoq paasissutissiissutigineqassasoq ataatsimiititaliamit kissaatigineqarpoq. Taamaattumillu Inatsisartut imm. UKA 2013/80-imik suliarinninnerat tunngavigalugu kalaallit oqaasiisa ilinniarnissaannut siammarternissaannullu periarfissat annertusarneqarnissaat siunertaralugu Naalakkersuisut Oqaatsinik Pikkorissarfiup saaffiginninnissaannik oqaaseqaatini itisileqqullugu Naalakkersuisoq qinnuigineqarpoq.*
- b) *Perorsaanermit Ilinniarfimmumut sanilliullugu Oqaatsinik Pikkorissarfiup ilinniartumut ataatsimut ukiumut aningaasartuutai eqqarsaatigalugit Oqaatsinik Pikkorissarfik suleqatigalugu kalaallit oqaasiisa ilinniarnissaannut siammarternissaannullu periarfissat annertusarneqarnissaannik Naalakkersuisut kissaataata aningaasanut inatsimmut suniutigisinnaasai paasissutissiissutigineqassasut ataatsimiititaliamit kissaatigineqarpoq.*

Naalakkersuisup akissutaa ilanngussaq H-mi atuarneqarsinnaavoq. Tassani Naalakkersuisup ilaatigut oqaatigaa Oqaatsinik Pikkorissarfik innuttaasut amerlanerpaat kalaallisut oqalussinnaalernissaannut periarfissat paasiniarneranni siunissami peqataatinneqassasoq. Suliap tamatuma inernerisinnaavaa periusissiorneq, iliuusissatut pilersaarusionerq nassuiaasiorterluunniit.

Ataatsimiititaliali apeqqutaa ulluinnarni misilittakkat pissutsillu aallaavigalugit aalajangersimanagerusunik ilinniartitsinissamik neqeroorteqarsinnaanermit tunnganeruvoq. Assersuutitut taaneqarsinnaapput kalaallit danskisut oqaasillit aallarterlaanit qaffasinnerusumik kalaallisut ilitsoqqusarinagit oqaatsituunngitsoq oqaatsilli aappaattut ilinniarnissamut periarfissaat. Nunatsinni aalajangersimasumik najugaqartunut aammalu piffissami sivikitsuinnarmi nunatsinniittartunit kalaallisut ilinniarnissamik pisariaqartitsinerusunut pikkorissartitsineq amigaatigineqarpoq salliutinneqartariaqarlunilu.

Assersuutissaq aalajangersimanagerusooq alla tassaavoq suliffik qimallugu illoqarfimmumut allamut pikkorissariarnissap ajornakusoortarnera. Sanilerisamit ilinniartinneqarnissamut ungasianillu

UKA 2013/7

J.nr. 01.31.11-00013

atuartinneqarnissamat periarfissat iliuusissatut pilersaarummut ilanngunneqartariaqarput, taamaaliornikkullu iliuusissatut pilersaarummi Oqaatsinik Pikkorissarfimmit misilittakkat kisiisa aallaaviginagit aammali pissarsiviusinnaasut allat, soorlu atuarfiit, suliffeqarfiit namminersortullu atuartitsinermik ingerlataqartut aallaavigineqarsinnaapput. Aammattaaq angusassat qanoq qaffasitsiginissaasa qulaajarneqarnissaa ataatsimiititaliamit ujartorneqarpoq. Anguniagaq tassaassava kikkut tamarmik kalaallisut piginnaasaqarluarlunnarluni suliamut attuumassuteqartumik oqaloqatigiissinnaanissaat imaluunniit assersuutigalugu anori silalut pillugit ulluinnarsiorpalaartumik nalinginnaasumik oqaloqatigiissinnaanissaat naammappa?

Naalakkersuisup oqaatigaa misissugassat annertusut nalunaarusiorfigineqartariaqartullu, tamanalu suliniuteqarfissat suli aalajangersarneqannginnerannut pissutaasoq. Suliniuteqarfissat aamma paasiniarneqarnissaat aningaasaqarnikkull upingaarnersiorneqarnissaat ataatsimiititaliamit eqqaamaqquneqarpoq. Anguniakkat kusanartut siunertarmut aningaasanik immikkoortitsisimannngikkaanni soqutaajunnaartarput. Aamma oqaatsit pillugit suliassami matumani aningaasaliissutissat pisariaqartinneqartut annertooujussuusinnaapput.

Apeqqut 5

Apeqqummut tunuliaqutaasoq:

Apeqqut 9.22-mut Naalakkersuisup apeqqutaa konto pingarneq 40.94.18-imut, Kulturip Illorsuanut Katuamut tunngasoq. Katuamut aningaasaliissutit ilaat qanoq amerlatigisut Nuup avataani nunanilu tamalaani kalaallit kulturiala nittarsaanneqarneranut atorneqartarnersut paasissutissiissutigineqassasoq ataatsimiititaliamit kissaatigineqarpoq. Naalakkersuisoq ilaatigut akivoq nunap immikkoortuinut siunnerfeqartarneq pillugu paasissutissat pigineqanngitsut.

Naalakkersuisumik apersuinermi akineqartussatut Aningaasaqarnermut Ataatsimiititaliap apeqqutaa:

- a) *Katuaq pillugu paasissutissat kissaatigineqartut Naalakkersuisunit ujartorneqarsimanersut paasissutissiissutigineqassasoq ataatsimiititaliamit kissaatigineqarpoq. Katuap Kalaallit Nunaat tamakkerlugu Kulturip Illorsuatut atuuttutut ataatsimiititaliamit isigineqarnera pissutigalugu apeqqutip akinneqarnissaa ataatsimiititaliamit aalajangi-usimaneqarpoq.*

Siunissami Katuap taamatut nalunaarsuisarnissamik Naalakkersuisunit qinnuigineqarnissaata saniatigut Naalakkersuisoq allanik paasissutissiissuteqanngilaq.

Katuap Nuummi nunattalu sinnerani kulturikkut ingerlatai pillugit innuttaasut paasissutissinneqarnissaat ataatsimiititaliamit kissaatigineqarpoq. Katuamit radiukkut tv-kullu aallakaatitsinerit ataatsimiititaliamit aamma amigaatigineqarput. Katuap Kalaallit Nunaata Kulturikkut Illorsuatut nunatta karsianit aamma aningaasalersorneqarnera eqqarsaatigalugu tamanna pissusissamisuuinnartutut ataatsimiititaliamit isigineqarpoq. Siunertamut aningaasaliissutinik amerlane-rusunik pisariaqartitsisoqalissappat tamatuma akuersaarnissaa ataatsimiititaliamit piareersimaffigineqarpoq. Aningaasaqarnermut Ataatsimiititaliat assigiinngitsut ukiut amerlasuut ingerlaneranni isuma taamaattoq anittarpaat, KNR-illi Katuap nittarsaanneqarnissaanut aqqutissiussisussatut pissusissamisoortup tamatuminnnga soqutiginninnginnera tamatigut unittoorfigineqartarpoq. Katuami aaqqissuussat unnukkut sapaatillu akunnerisa naanerini, inuit peqataanissamat piffissaqarlutillu periarfissaqarfiini pisarput. Ataatsimiititaliaq isumaqarpoq radiu tv-luunniit aqqutigalugit aaqqissuussanut malinnaasinnaasariaqartut.

Meeqqat atuarfiat Piareersarfillu

Atuartut meeqqat atuarfiannit naammassinnermit kingorna ilinniagaqalernissaminnut suliffeqalernissaminnulluunniit tamatigut piareersimajuaannannginnerat Piareersarfimmik pilersitsinnermut pissutaasoq – sulilu aaqqiigallarnertut atorneqartoq – ataatsimiititaliamit aalajangiusimaneqarpoq. Piareersarfiit meeqqat atuarfiannut tapertaliussatut isigineqassanngillat, taamaallaalli meeqqat atuarfiata kingorna ajoraluartumik ingerlaqqissinnaanngitsunut ikiorsiissutitut isigineqassalluni. Taamaattumillu meeqqat atuarfiata suliassamik naammassinnissinnaannginneranut Piareersarfiit atuunnerat takussutissaavoq. Taamaammallu meeqqat atuarfiat suliassaminik naammassinnittarnersoq nalilersortuarneqartariaqarpoq. Akerlianilli imaanngilaq Piareersarfiit atorunnaarsinneqarpata ikilisarneqarpataluunniit meeqqat atuarfiat iluatsissimassasoq.

Atuarfiit ajornartorsiutit unammilligassaat amerlammata ataatsimiititaliamit ilisimaneqarpoq. Taakku tassaapput atuarfiit illutaat, init atuartitsiviusut, atuanngitsoortarnerit, ilinniartitsisunik piginnaaneqarluartunik amigaateqarneq, atuarfimmillu illutatigut pissutsit pissutigalugit atuartut kajumissuseerunnerat, ilinniartitsisut sulinnitsoortarnerat, ilinniartitsisunik ilinniarsimasunik amigaateqarneq, vikaarissaaleqineq, angajoqqaat tunniusimanninnerujussuat aammalu pissutsit atuartut atuarfiup avataani atugaat. Ilaquttat meeqqat atuarneranni tunniusimanagerat pingaarutilerujussuusoq ataatsimiititaliaq isumaqarpoq, minnerunngitsumik meeqqat ilinniagaqalernissamut piareersimanissaasa takkuttarnissaasalu qulakkeerneqarnissaat eqqarsaatigalugu aammalu ajornartorsiut nuna tamakkerlugu atuuttoq tamanna pimoorulluinnartariaqaripput, meeqqalli atuarfii tassaajuassapput atuartitsinermik ilinniartitsinermillu ingerlataqarfiusut.

Atuarfimmili aamma pitsaasorpasuarfik pisoqartarmat ataatsimiititaliamit arajutsisimaneqanngilaq. Taamaattumik atuarfinni ataasiakkaani misiliutit suliniutillu iluatsilluartut aallunneqarnerusariaqartut aammalu misilittagarilikkat pitsaasut ilinniarfiusariaqartut atuarfinnullu allanut siammartinneqartariaqartut.

Pisortat aningaasaataat ikigisassaanneqisut ukiuni makkuni ilinniartitaanikkut immikkut ittumik suliniutinut atorneqartartut sapinngisamik pitsaasorpasuarfik atorluarneqarnissaat kajumissaarutigalugu ataatsimiititaliaq ukiuni arlaqaqisuni annertuumik suliaqarsimavoq. Anguniagaq taanna ingerlateqqinneqartariaqarpoq. Inuusuttut 2/3-iisa 2020-mi piginnaassusiliisumik ilinniagaqalersimanissaannik anguniakkatta angunissaa suli ungasippoq. Taamaattumillu suliasat suli amerlapput.

2.6. Suliassaqarfik 50-51 Aalisarnermut, Piniarnermut Nunalerinemullu Naalakkersuisoq
Suliassaqarfimmil tassani Naalakkersuisut akissutaannik misissuinnerminut atatillugu Naalakkersuisumik ataatsimiititaliaq apersuivoq. Aggeqqusissut apersuinnermullu allakkiaq kiisalu ilanngussat tassunga atasut isumaliutissiisummut **ilanngussaq I-tut** ilanngunneqarput.

Naalakkersuisumik apersuineq ull. 10. oktober ingerlanneqarpoq **ilanngussaq I-milu** takuneqarsinnaasutut apeqqutit sisamat Naalakkersuisumut oqaloqatiginnissutigineqarnissaat ataatsimiititaliamit kissaatigineqarpoq. Naalakkersuisut akissutaannut tunngatillugu **ilanngussaq I** innersuussutigineqarpoq.

Naalakkersuisumik apersuinnermi makku ilaatigut ataatsimiititaliamit oqaluuserineqarput:

Apeqquut 3Apeqquummut tunuliaqutaasoq:

Apeqquut 10.2-mut Naalakkersuisup akissutaa konto pingaarneq 50.06.50-imut tunngasoq. Konto pingaarneq aalisarnermut aningaasaliissutinut immikkoortitanut tunngassuteqarpoq. Aningaasat qanoq agguataarneqarnersut aammalu annertunerusumik ingerlatsinissaq naatsorsuutigineqarnersoq paasissutissiissutigineqassasoq ataatsimiititaliamit kissaatigineqarpoq. Tassunga akissuteqarluni Naalakkersuisoq oqarpoq qinnuteqaatit apeqquataatillugit aningaasat agguataarneqartartut aalisariutinillu isaterinerup sinerissami ilisimaneqarnerulernissaa anguniarlugu sinerissami paasisitsiniaanermut atatillugu ingerlatat amerleriarnissaat naatsorsuutigineqartoq. Akissut tamanna ataatsimiititaliamit naammagineqanngimmat allatut oqaasertarlerlugu apeqquuteqaqqittoqarpoq.

Naalakkersuisumik apersuinermi akineqartussatut Aningaasaqarnermut Ataatsimiititaliap apeqquataa:

- a) *Aalisariutinik isaterinissamut tapiissuteqartarnermi maleruagassat Naalakkersuisumit nassuiaatigineqassasut aammalu aaqqissuussinerup qanoq annertutigisumik atugaa-nera paasissutissiissutigineqassasoq ataatsimiititaliamit kissaatigineqarpoq.*

Naalakkersuisut akissutaanni takuneqarsinnaasutut konto pingaarneq siunertanut marlunmut atornerqarpoq, tassuma aappaa tassaalluni aalisariutinik isaterineq. Aningaasaliissutit siunertaata aappaa tassaavoq sinerissap qanittuani aalisarnermi aalisariutinik ingerlaavartumik taarsersuiner-nermut nutarterinermullu tassungalu ilanngullugu nutaamik pilersitsiniarluni misileraalluni suliniutinut tapiissuteqartarneq. Kontomi pingaarnermi atuinerup ilaa tassunga tunngasoq pillugu suliassami kisitsisinut skemanngorlugu takussutissiaq missingersuutinut ilanngussami ilanngunneqassasoq ataatsimiititaliamit kissaatigineqarpoq.

Aalisariutinik isateriner-nermut tunngatillugu Naalakkersuisup paasissutissiissutigaa piffissami 2011-2013 ulloq manna tikillugu aalisariut ataaseq isaterneqarsimasoq piffissamilu tassani 1,2 mio. kr.-it missaat tunniunneqarsimasut. Piffissami taasani aamma tapiissuteqarnissamik Naalakkersuisunit neriorsuummik atui-nerlutik kissaateqartut sisamaapput, taakkununggalu aningaasaliissutit 5,1 mio. kr.-it missaanniipp-put. Aningaasaliissutit piffissami taaneqartumi ator-nerqarsimangitsut erseqqissumik takuneqarsinnaavoq. Taamaattumik aningaasaliissutit 25 mio. kr.-inik ikilineqarnissaat pillugu allannguutissatut siunnersuummik Naalakkersuisut tunnius-simmata ataatsimiititaliamit iluarisimaarneqarpoq. Aningaasaliissutit atuiner-nermut pisariaqartitsi-nermullu sanilliullugu pitsaaner-nerusumik naleqqussarneqarnissaannik kissaateqar-nerq allannguutissatut siunnersuuteqarner-nermut tunngavilersuutigineqarpoq.

Allannguutissatut siunnersuummut nr. 115-imut ataatsimiititaliap inassuteqaataani takuneqar-sinnaasutut ilaatigut aningaasanik atuiner-nermut pisariaqartitsi-nermullu sanilliussilluni aningaasa-liissutinik naleqqussaaniarnerup qanoq paasisariaqarneranik itisiliisoqarnissaa ataatsimiiti-taliamit ugartorneqarpoq. Suliani oqaatigineqareersutut suliassanut aningaasaliissutinik atui-nerup ineriartorneranut piffisallu ingerlanerani atornerqarnerannut nassuiaataasinnaasut skeman-ngorlugit ilanngunneqarnissaat ataatsimiititaliamit ugartorneqarpoq.

Pingaartumik pissutsit marluk aalisariutinik isateriner-nermut tapiissutinik atuisinnaanermut sinniu-teqarsinnaasut Naalakkersuisumik apersuinermini ataatsimiititaliap paasivaa. Aappaa tassaavoq allaffissornikkut suliamik ingerlatsisarneq, tamatumani pappiaqqat suliap suliarineqarnissaanut pisariaqartinneqartut qinnuteqartumit pissarsiariniarnerat sivisusinnaallunilu ajorkusoorsin-naavoq. Aappaa tassaavoq tapiissutit tunniunneqarpata aalisarsinnaanermut akuersissutit akuers-issutillu allat tamarmik atorunnaartarnerat. Taamaattumik aaqqissuussineq pillugu paasisitsi-

niaanermik Naalakkersuisoq suliaqarniarmat ataatsimiititaliamit iluarisimaarneqarpoq, taamaallilluni aaqqissuussineq taassumalu kingunerisinnaasai pillugit innuttaasut ilisimasaqarne-ruleqqullugit isumaqarlunilu aalisarnermik ineriartortitsinermut immikkoortitat siunertarisaat paasisitsiniaanermut tassunga ilaatinneqartariaqartut.

2.7. Suliassaqarfik 62-66 Inuussutissarsiornermut, Aatsitassaqaqarnermut Suliffeqaqarnermullu Naalakkersuisoq

Suliassaqarfimmi tassani Naalakkersuisut akissutaannik misissuinerminut atatillugu Naalakkersuisumik ataatsimiititaliaq apersuivoq. Aggeqqusissut apersuiner mullu allakkiaq kiisalu ilanngussat tassunga atasut isumaliutissiisummut **ilanngussaq J-tut** ilanngunneqarput.

Naalakkersuisumik apersuineq ull. 11. oktober ingerlanneqarpoq **ilanngussaq J-milu** takuneqarsinnaasutut apeqqutit sisamat Naalakkersuisumut oqaloqatiginnissutigineqarnissaat ataatsimiititaliamit kissaatigineqarpoq. Naalakkersuisut akissutaannut tunngatillugu **ilanngussaq J** innersuussutigineqarpoq.

Naalakkersuisumik apersuiner mi makku ilaatigut ataatsimiititaliamit oqaluuserineqarput:

Apeqqut 1

Apeqqummut tunuliaqutaasoq:

Apeqqut 11.3-imut Naalakkersuisup akissutaa konto pingaarneq 64.01.04-mut tunngasoq. Piginnaanngorsarluni pikkorissartitsinerit inuussutissarsiornermut suliffeqaqarnermullu tunngasut tamarmik konto pingaarnermut ataatsimut ataatsimoortinneqarnissaannut Naalakkersuisut isumaat ataatsimiititaliamit paaserusunneqarpoq.

Apeqqummi qitiutinneqartoq, tassalu aningaasat sulisullu immikkoortinneqartut sapinngisamik pitsaanerpaamik ator neqarnissaat, pillugu Naalakkersuisut ulloq 24. september akissutaat isummanik pitsaasorpasuarunik imaqarpoq. Kontot pingaarnerit taakku marluk siunnerfigisaat annerusumik minnerusumilluunniit assigiittut Naalakkersuisunit paasissutissiisutigineqarpoq, kontommi pingaarnerit taakku tamarmik suliffeqaqarnermi ilinniarsimasunut ilinniarsimangitsunullu, suliffeqartunut suliffeqanngitsunulluunniit, sammitinneqarmata.

AMA-mi aamma PKU-mi aningaasaliissutit ataqatigiissaarnerisigut suliffissanik amerlaneruninik pilersitsiniarluni inuussutissarsiornikkut suliniutit sulisinnaasut piginnaanngorsarneqarnerisigut ikorfartorneqarnissaat qulakkeerneqartartoq Naalakkersuisut aamma akipput. Naalakkersuisut ilaatigut aamma akipput aningaasat kontomut pingaarnermut ataatsimut ataatsimoortinnerisigut inuussutissarsiutinik ilinniartinnit sulineq oqilisaaffigineqassasoq, soorluttaaq soqutiginnittut piginnaanngorsaqqinnissamut periarfissanut paasissutissanik ajornannginnerusumik aallersinnaalissasut. Naalakkersuisut isumaqarput aningaasaliussat taakku immikkoortut marluk allaffissornikkut sapinngisamik patajaannerpaamik ataqatigiissaariffigineqarnissaat naapertuunnerpaasoq. Tamanna tunngavigalugu ataatsimiititaliaq ima apeqquteqarpoq:

Naalakkersuisumik apersuiner mi akineqartussatut Aningaasaqarnermut Ataatsimiititaliap apeqquta:

- a) *Konto pingaarnerup 40.91.03-p aamma 64.01.04-p Naalakkersuisoqarfiup ataatsip ataanut ilineqarnissaannut pitsaaqutit ajoqutillu aammalu taamatut ataatsimoortitsineq naapertuunnersoq paasissutissiisutigineqassasut ataatsimiititaliamit kissaatigineqarpoq.*

Naalakkersuisup apersorneqarnermini akissutaani (takuuk ilanngussaq J) takuneqarsinnaasutut suliffeqarnermi sakkussanik pigineqareersuni annertusisamik iluaqusiisoqarsinnaasooq oqaatigineqaqqippoq. Naalakkersuisup akissutaani aamma allassimavoq kontot pingaarnertit taakkua marluk Naalakkersuisoqarfiup ataatsip ataanut inissinneqarnerisa pitsaanngequtigisinnaasaat tassaasinnaasooq suliniutaasussat suliffeqarnermut sammititaasussat aammalu suliniutaasussat ilinniartitaanermut sammititaasussat pillugit naammattumik ataqatigiissaarisoqannginnissaa. Taamaalilluni ataatsimiititaliap paasivaa pitsaaqutit pitsaanngequtillu nalilersoreerlugit kontot pingaarnertit taakku marluk ataatsimoortinneqarnissaat Naalakkersuisup naapertuussorinngikkaa.

Apeqquut 3

Apeqquummut tunuliaqutaasooq:

Apeqquut 11.8-mut Naalakkersuisup akissutaa konto pingaarneq 64.13.23-mut tunngasooq.

Naalakkersuisumik apersuinermini akineqartussatut Aningaasaqarnermut Ataatsimiititaliap apeqquutaa:

- b) *Apeqquut a aamma b-mut atatillugu paasissutissat amigaataasut Naalakkersuisunit soooq pissarsiarineqarsinnaasimannnginnersut, taakkulu qaqugu tiguneqarnissaat ataatsimiititaliamit naatsorsuutigineqarsinnaanersoq paasissutissiissutigineqassasut ataatsimiititaliamit kissaatigineqarpoq.*
- c) *Piareersarfiit ilitsersuinermik piginnaangorsaanermillu pingaarnertut suliassaminik isumaginninnerata pitsaassusaanik sunniuteqarneranillu nalilersuinissaq Naalakkersuisunit isumaliutigineqarsimava?*

Ilinniartitaanermut, Ilageeqarnermut, Kultureqarnermut Naligiissitaanermullu Naalakkersuisumik apersuinermini apeqquut 5-imi takuneqarsinnaasutut Piareersarfiit meeqqallu atuarfiat ataatsimiititaliamit assut soqutigineqarput.

Inuusuttut pissarsiarinissaat Piareersarfiit suliassarigaat Naalakkersuisup erseqqissarpaa. Inuusuttut meeqqat atuarfianni Piareersarfimmut ikaarsaartarnerat suliame tamatumani aallunneqarnerusariaqartoq ataatsimiititaliaq isumaqarpoq. Ataatsimiititaliaq aamma isumaqarpoq inuusuttuaqqat Piareersarfimmi atualernissamut ukiukippallaartut iliuuseqarfigineqartariaqartut.

Ilaatigut ilinniartitsisussaaleqineq annertuumik ajornartorsiutigineqartoq, tamatumunngalu pissutsit arlallit pissutaasut Naalakkersuisup isumaqatigaa. Ilaatigut aningaasaqarneq ilaatigullu sulisussarsiortarnermi pissutsit tamatumani apeqquutaallutik.

Atuarfitsialaap eqqunneqarnerata kingorna ukiorpassuit ingerlareersullu angusat takussutissartaqalereersimasariaqaraluartut ataatsimiititaliaq isumaqarpoq. Piareersarfiup neqeroorutaanik pisariaqartitsineq annertusiartuaarsimappat tamanna, ataatsimiititaliap isumaa malillugu, atuarfittut ilinnialernissamut sulilernissamulluunniit piareersarnissaannut meeqqat atuarfiata pikkorinnerulersimannginneranut takussutissaavoq. Aappaatigullu naammassinnittartartut procentiat sapinngisamik annertunerpaaffimmiissasooq ataatsimiititaliamit neriuutigineqarpoq.

Taamaattoqassappat suliniuteqarluarnissaq pisariaqarpoq. Qanoq amerlatigisut naammassinnersut nalilersorneqassaaq, aammali Piareersarfiit immikkoortortaasa ataasiakkaat pitsaassusiannik nalilersuinissaq aamma taama pingaaruteqartigivoq.

Taamaalilluni assersuutigalugu sulisut suliatigut perorsaanikkullu piginnaasassaat pillugit piomasaaqateqartoqartarnersoq apeqqutaavoq. Sinneruttut Piareersarfinnit isumagineqartussaamata immikkoortoqarfanni ataasiakkaani atuartisisut ilitersuisullu immikkut suliaqartussatut ataatsimiititaliamit naatsorsuutigineqarput.

Piareersarfiit ataasiakkaat suliassat malillugit pikkorissartussappata aqutsisui taamaaqataanik piomasaaqarfineqartariaqarput. Piareersarfinni ataasiakkaanni suliap isumagineqarnissaanut tunniusimassuseqarnerat piginnaasaallu pitsanngorsarniarlugit suliniutit suut ingerlanneqarsimanersut Naalackersuisunit ilisimaneqarpa?

Piareersarfiit pillugit naliliinermik 2012-imi nalunaarusiortoqarsimasoq aammalu ajornartorsiutit amerlallutillu annertuujusut tassani takutinneqartoq ataatsimiititaliamit ilisimaneqarpoq. Nalunaarusiami allassimavoq suliniuteqarfik pitsaanerusemik malinnaaffineqassasoq Inuusutissarsiornermut Suliffeqarnermullu Naalackersuisoqarfip kissaatigisimagaa: Pissutsit sorliit pitsanngorsartariaqarpat sorliillu ingerlalluarpat. Taakku pillugit akissutinik Naalackersuisut pissarsisimappat?

Apeqqut 4

Apeqqummut tunuliaqutaasoq:

Apeqqut 11.9-mut Naalackersuisup akissutaa konto pingaarneq 64.13.25-imut tunngasoq.

Naalackersuisumik apersuinermi akineqartussatut Aningaasaqarnermut Ataatsimiititaliap apeqquta:

- a) *Suliffissaaleqinerup immikkut ittumik suliniutigineqarnerata sunniutai Naalackersuisunit ilisimasaqarfineqarpat?*
- b) *Ingerlatat assigiinngitsut akissummi nassuiaatigineqartut naammassineqarnerisa kingorna procentit qassit ingerlariaqqittarnersut (ass. suliffeqalersimanersut ilinniagaqalersimanersulluunniit) pillugit kisitsisitigut paasissutissanik Naalackersuisut peqarpa?*

Immikkut ittumik suliniut innuttaasunut qanoq sunniuteqarsimanersoq paasissallugu ataatsimiititaliamit pingaartinneqarpoq. Taamaattumik assersuutigalugu suliat pillugit pikkorissartisinermi ingerlatat eqqarsaatigalugit suliffissaaleqisut pikkorissarnermik naammassinninnermik kingorna sulilernissamik isumaqatigiissuteqartut salliutinneqartarnissaat Naalackersuisut 24. september akissummini paasissutissiissutigimmasuk ataatsimiititaliamit iluarisimaarneqarpoq.

2.8. Suliassaqarfik 70-73 Ineqarnermut, Pinngortitamut Avatangiisinullu Naalackersuisoq

Suliassaqarfimmi tassani Naalackersuisut akissutaannik misissuinerminut atatillugu Naalackersuisumik ataatsimiititaliaq apersuivoq. Aggeqqusissut apersuinernullu allakkiaq kiisalu ilanngussat tassunga atasut isumaliutissiissummut **ilanngussaq K-tut** ilanngunneqarput.

Naalackersuisumik apersuineq ull. 14. oktober ingerlanneqarpoq **ilanngussaq K-milu** takuneqarsinnaasutut apeqqutit sisamat Naalackersuisumut oqaloqatiginnissutigineqarnissaat ataatsimiititaliamit kissaatigineqarpoq. Naalackersuisut akissutaannut tunngatillugu **ilanngussaq K** innersuussutigineqarpoq.

Naalackersuisumik apersuinermi makku ilaatigut ataatsimiititaliamit oqaluserineqarput:

UKA 2013/7

J.nr. 01.31.11-00013

Apeqquut 1Apeqqummut tunuliaqutaasoq:

Apeqquut 2.8-mut Naalakkersuisup akissutaa konto pingaarneq 73.94.02-mut tunngasoq.

Naalakkersuisumik apersuinermit akineqartussatut Aningaasaqarnermut Ataatsimiititaliap apeqqutaa:

- a) *Apeqqutini akineqanngitsut ataatsimiititaliaq isumaqarpoq. Oqaasertaliussamut siunertaq ataatsimiititaliamit tamakkiisumik paasineqarpoq. Ataatsimiititalialli paasisinnaangilaa illut sorliit nukissiorfiillu ataasiakkaat sorliit pineqarnerat Naalakkersuisut paasissutissiissutigisinnaanngimmassuk. Akineqarnissaa ataatsimiititaliamit aalajangiusimaneqarpoq.*
- b) *Aaqqissuussinermi pineqartumit illut sorliit pineqarnersut aammalu tunisinermi iluanaarutaasimasinnaasut pisariillissanermik suliniutinut sorlernut atorneqarsimanersut Naalakkersuisunit akineqasimanngilaq. Akineqarnissaa ataatsimiititaliamit aalajangiusimaneqarpoq.*

Ataatsimiititaliap paasinninnera malillugu suliami matumani illutat eqqartorneqartut Nukissiorfiit maannamut illuutigisaannut attuumassuteqarput aammalu aaqqissuussineq siunissami pisiassanut atuutissanngitsoq. Taamaattumik illutanik aserfallatsaaliinermut ingerlatsinermullu atatillugu Nukissiorfiit aningaasartuuteqarunnaarnissaat pisariillisaanermi annertunerpaamik pissarsiviussammat ataatsimiititaliamit iluarisimaarneqarpoq.

Apeqquut 3Apeqqummut tunuliaqutaasoq:

Apeqquut 4.1 b-mut Naalakkersuisup akissutaa sanaartugassat illoqarfinnut agguataakkanut tunngasoq.

Naalakkersuisumik apersuinermit akineqartussatut Aningaasaqarnermut Ataatsimiititaliap apeqqutaa:

- a) *Apeqqummik tamatuminnnga suleqatigiissitap sulinerata naammassereerfissaatut piffissaliussaq ataatsimiititaliamit paasissutissiissutigeqquneqarpoq.*

Sanaartugassanut Iluarsagassanullu Aningaasaateqarfimmit qanoq annertutigisumik atuisoqarpat naapertuuttutut isigineqassanersoq pillugu apeqqummut Naalakkersuisoq akivoq suliamik ingerlatsinermi kinguaattooruteqarnermilu paatsuinerit pinaveersimatinniarlugit suleqatigiissitamik pilersitsisoqartoq. Aammattaaq sanaartornerup iluani suliaasaqarpallaalernissaq suliaakut tassuuna pinaveersimatinneqassasoq Naalakkersuisup paasissutissiissutigaa. Suliassaartitsiniaannarneq pinnagu pisariaqartitsinerli malillugu sanaartortoqarnissaanik Naalakkersuisup oqarnerat ataatsimiititaliamit isumaqatigineqarpoq. Sanaartorpallaartitsinani sanaartornermi ingerlatassat qanoq annertutigisariaqarnersut pillugu ataatsimiititaliamit apeqquut Naalakkersuisumit allakkatigut akissuteqarfiginiarneqarpoq.

Taartissatut sanaartugassat utaqqissunneqarsinnaanngitsut amerlapput, tamatumalu peqatigiisaanik aningaasat toqqortornagit sulisinneqarnissaat pingaaruteqarpoq. Sanaartugassanut Iluarsagassanullu Aningaasaateqarfimmi aningaasat amerlangaatsiarnerannut pissutsit peqqutaaqataasut amerlapput. Aningaasat taakku atuuffissaat aalajangersimareermata siunertanut allanut

UKA 2013/7

J.nr. 01.31.11-00013

agguataarneqarsinnaanngillat. Taamaattumik suliniutit aningaasaateqarfimmi ilaatinneqartut nalilersortuarnissaat pingaaruteqarpoq, taamaalilluni aningaasat siunertanut allanut atorneqarsinnaaqqullugit aningaasanik aningaasaateqarfimmit utertitsinerit sapinngisamik pilertortumik pisinnaaqqullugit.

“Sanaartugassanut Iluarsagassanullu Aningaasaateqarfik pillugu nassuiaat 2012”-imi allasimavoq aatsaat taama amerlatigisunik tassalu 1.044 mio. kr.-inik atuisoqarnerata kingorna Sanaartugassanut Iluarsagassanullu Aningaasaateqarfimmi uninngasuutit 288 mio. kr.-inik ikileriarsimasut. Ataatsimiititaliarli isumaqarpoq suliassaqarfimmi suliniutit pitsanngorsarneqarnissaat suli pisariaqartinneqartoq, taamaattumillu Sanaartugassanut Iluarsagassanullu Aningaasaateqarfimmi atuinissat piviusorsioortumik Naalakkersuisunit missingersuusiorneqartarnissaat ataatsimiititaliamit kaammattuutigineqarpoq.

Kommunini atuarfinnik aammalu taakkununga atatillugu aserfallatsaaliuinnermut pisussaaffinnik kommunit tamakkiisumik tigusinissaannik suliaq pillugu aalajangiisoqarnissaa ataatsimiititaliamit ujarorneqarpoq. Ukioq kingulleq isumaliutissiisummini kaammattuutigisani ataatsimiititaliap eqqaasitsissutigissavaa:

”Iliuusissatut siunnersuutinik, illutat peqqussutit malillugit ingerlaavartumik iluarsanneqanngippata iluarsanneqarnissaannik Nunatta Karsiata isumaginneqqinnissaa naatsorsuutigalugu atuarfiit illutaannik nutaanik aserfallatsitsinissamut kommunit aningaasatigut kajumilersinneqannginnissaannut qulakkeerinnissinnaasunik, kingusinnerpaamik 2014-imut aningaasanut inatsisissatut siunnersuummik saqqummiussinnermut atatillugu Naalakkersuisut saqqummiussinissaat Aningaasaqarnermut Ataatsimiititaliamit **kaammattuutigineqarpoq.**”

Suliassaq taanna pisoqalisutut taaneqartariaqartoq pillugu maanna Naalakkersuisooqatigiit qanoq isumaqarpat?

Apeqquut 4

Apeqquummut tunuliaqutaasoq:

Apeqquut 12.9-mut Naalakkersuisup akissutaa konto pingaarnermut 77.05.03-mut tunngasoq.

Naalakkersuisumik apersuinermi akineqartussatut Aningaasaqarnermut Ataatsimiititaliap apeqqutaa:

- a) *Uuliaarluernermik akiuiniarnermi atortut nutarterneqarsimanerat nakkutilliarlorluni takuniaanermini avatangiisinut immikkoortortap qanoq qulakkeertarpaa?*
- b) *Apeqquut b-mut Naalakkersuisut akissutaat ataatsimiititaliamit ima paasineqassava; atortut atorsinnaanngippata imaluunniit siunertamut naleqqutinngippata tamatuma Namminersorlutik Oqartussanut aningaasatigut kingunissai Naalakkersuisunit ilisimanneqanngitsut?*

Uuliaarluernermik akiuiniarnermi atortut illoqarfinni sorlorni pigineqarnersut akissuteqarfigineqassasoq ataatsimiititaliamit kissaatigineqarpoq. Apeqquut Naalakkersuisup allakkakkut akissuteqarfigissavaa.

Uuliamut oqimaatsumut atortut atorneqarsinnaannginnerat ataatsimiititaliamit isumakuluutigineqarpoq, tamannalu Naalakkersuisup ilalerpaa. Kangerlussuarmi atortunik peqartoq Naalak-

kersuisup nassuerutigaa ataatsimiititaliallu apeqquteqarneranut akissuteqarluni oqarpoq ajornar-toortoqassagalarpat danskit naalagaaffiannut saaffiginnittoqarsinnaasoq.

Illoqarfiit tamarmik uuliaarluernermik akiuiniarnermi atortunik peqartariaqartut ataatsimiititaliaq isumaqarpoq, tamatumani apeqqutaassalluni uuliaarlertoqarsinnaaneranut upalungaarsimanissamut pilersaarutit najukkani pissutsinut naleqqunnersut.

3. Aningaasaliissutitut allannguutissatut siunnersuutit

Immikkoortoq 1.3.3-mi taaneqartutut aningaasanut inatsisissatut siunnersuummut allannguutissatut siunnersuutitut 125-nik Naalakkersuisut saqqummiussipput. Taakkunanga 5-it oqaasertaliussanut allannguutissatut siunnersuutaallutik. Oqaasertaliussanut allannguutissatut siunnersuutit isumaliutissiissutit immikkoortuani 4-mi sammineqarput.

Aningaasaliissutitut allannguutissatut siunnersuutit sammisanut ukununga immikkoortineqarsimapput:

- sammisaq 1 Aaqqissuinikkut allannguutit: allannguutissatut siunnersuutit 25-it
- sammisaq 2 Missingersuutitut sunniteqanngitsumik allannguutit: allannguutissatut siunnersuutit 11-t
- sammisaq 3 Isertitaqarnerunissamik inatsisitigullu aningaasartuutitut pissusaaffigisanit naatsorsuutit nutaat: allannguutissatut siunnersuutit 4-t
- sammisaq 4 Aningaasartuuteqarnerunissamik kissaatit: allannguutissatut siunnersuutit 9-t
- sammisaq 5 Inissianik tunisineq: allannguutissatut siunnersuutit 2-t
- sammisaq 6 Ingerlatsinermit ileqqaarutit: allannguutissatut siunnersuutit 1
- sammisaq 7 Allaffissornikkut sipaaruteqarneq: allannguutissatut siunnersuutit 60-it
- sammisaq 8 Aalisarneq: allannguutissatut siunnersuutit 3-t
- sammisaq 9 Sanaartornermit nussuineq: allannguutissatut siunnersuutit 4-t
- sammisaq 10 Nutarterinerit sunniutai: allannguutissatut siunnersuutit 1

Aningaasaliissutitut allannguutissatut siunnersuutit nr. 1-imit nr. 120-mut *normulersugaapput*.

Aningaasaliissutitut pineqartillugit allannguutissatut siunnersuutit ataasiakkaat normui *aningaasaliissutitut takussutissiimi* allassimapput; *ilanngussaq 1*. Aningaasaliissutitut takussutissiimi Naalakkersuisut aningaasaliissutitut allannguutissatut siunnersuutaannut saarlinggorlugit ilanngunneqarput, taakkulu isumaliutissiissummut **ilanngussaq L-tut** ilanngunneqarlutik.

Oqaasertaliussanut tunngatillugu normuliunneqartoq oqaasertaliussat siornagut allanneqarpoq. Oqaasertaliussat *ilanngussaq 2*-mik taaguuserneqarput. Taakku isumaliutissiissummut **ilanngussaq M-p** ataani ilanngunneqarput.

3.1. Sammisaq 1 – Aaqqissuinikkut allannguutit

Qulequttami tassani allannguutissatut siunnersuutitut 25-inik Naalakkersuisut saqqummiussipput. Allannguutissatut siunnersuutit taakku ukiumi aningaasanut inatsiseqarfiusumi ukiunilu missingersuusiortifiusuni ataatsimut isigalugit IST-mut sunniteqassanngillat. Pineqartut tasaanerupput missingersuutitut ilanngussat oqaasertaasa ilusiligaanerannik erseqqissaanerit annikinnerusut, suliasami kisitsisinik iluarsinerit, kukkunernik iluarsinerit il.il. Allanguutissatut siunnersuutit ilaat taakku Aningaasaqarnermut Ataatsimiititaliap apeqqutaanit aallaaveqarput, tak. **ilanngussaq A**.

Allannguutissatut siunnersuutitut ataasiakkaanut Aningaasaqarnermut Ataatsimiititaliap ilassutitut ima oqaaseqaateqarumavoq.

Konto pingaarneq 20.05.20 Kommuninut ataatsimoortumik tapiissutit

Kommuninut 2014-imi ataatsimoortumik tapiissutit missingersuutininut sunniuteqanngitsumik agguataarnerisa allanngortinneqarnissaat siunnersuutigineqarpoq, taamaalilluni Kommuni Kujallermut ataatsimoortumik tapiissutit 8 mio. kr.-inik amerlineqarlutik aammalu Qaasuitsup Kommunianut ataatsimoortumik tapiissutit 12 mio. kr.-inik amerlineqarlutik kiisalu Kommuneqarfik Sermersuumut ataatsimoortumik tapiissutit 20 mio. kr.-inik ikilineqarlutik.

Agguataarinerup allanngortinneqarnissaata piareersarneqarnerani periuseq atorneqartoq pillugu naammagittaalliutit ataatsimiititaliamit maluginiarneqarput. Periuseq ersarinnerusoq tamanit akuerineqarsinnaasoq malinneqassasoq ataatsimiititaliap sakkortunerpaamik kaammattuutigaa. (Allannguutissatut siunnersuut nr. 2)

Konto pingaarneq 20.05.35 Nunaqaatigiit Siunnersuisoqatigiivi

Suliassami kisitsisit malunnaatilimmik allannguuteqartut ataatsimiititaliamit maluginiarneqarpoq, tamatumani innuttaasunut sammisassaqartitsiniarnermut aningaasaliussat amerlineqarlutik, allaffissornermulli aningaasartuutissat ikilineqarlutik. Taamatut iliuuseqarneq nunaqqatigiit siunnersuisoqatigiivi oqaloqatigalugit pisimassasoq ataatsimiititaliamit ilimagineqarpoq, tamatumalu peqatigisaanik ataatsimiititaliamit oqaatigineqassaaq suliassami kisitsisit aningaasaliissutinik atuinissamut pituttuisuunngimmata.

(Allannguutissatut siunnersuut nr. 3)

Konto pingaarneq 30.10.37 Nuna tamakkerlugu meeqqanut inuusuttunullu angerlarsimaffiit

Taamaallaat Sisimiuni paaqqinnittarfimmuut isumannaallisakkamut kiisalu Qeqertarsuarmi ILIK-mut aningaasanik inissanillu Qasapermiunit nuussisoqarsimasoq suliassami kisitsisinit takuneqarsinnaavoq. Sullitat sullinneqarnerat nukittorsarniarlugu taama allannguisoqartoq ataatsimiititaliamit ilimagineqarpoq, tamannalu naammagisimaarneqarpoq.

(Allannguutissatut siunnersuut nr. 4)

Konto pingaarneq 34.12.01 Nunap immikkoortuini peqqinnissaqarfii, nakorsanit sullinneqarnerit

Aningaasat akissarsianut atugassat taama amerlatigisut aningaasartuutininut allanut allanngortinneqarsinnaanerat ataatsimiititaliamit eqqumiigineqarpoq. Aningaasartuutit allat minnaarlugu missingersuusiorneqarsimanersut sulisunillu ikililerinikkut tamatumaa aningaasalersorneqarnissaa pisariaqartutut isigineqarsimanersoq paasissutissiisutigineqassasoq ataatsimiititaliamit kissaatigineqarpoq.

(Allannguutissatut siunnersuut nr. 5)

Konto pingaarneq 84.40.15 Ilinniartut inaannik sanaartorneq

Skemap kalaallisuuani sumiiffik 50-imi suliassaq nr. 50091-imi, Paamiuni ilinniartunut 2014-imi ineqarfiliormut tunngasumi, kr. 0,0 allanneqarsimavoq, danskisuuani 10,0 allasimalluni. Kisitsisit taakku assigiissasut ataatsimiititaliamit **ilimagineqarpoq**.

(Allannguutissatut siunnersuut nr. 24)

Sammissaq 1-p ataani allannguutissatut siunnersuutit nr. 1-mit 23-mut aamma 25 **akuerineqassasut** Aningaasaqarnermut Ataatsimiititaliamit **inassutigineqarpoq**.

Ikinnerussuteqartulli Inuit Ataqatigiinneersut allannguutissatut siunnersuut 2 pillugu oqaatigissavaat kommunit pineqartut oqaloqatiginagit periuseq atorneqartoq akuersaarneqarsinnaanngimmat. Nunatsinni nunat immikkoortuisa akornanni naligiittoqarnissaata anguneqarnissaanik siunertaq eqqarsaatigalugu Kommuneqarfik Sermersuup 20 mio. kr.-inik arsaarneqarnissaanik aalajangiineq kissaatigineqartutut sunniuteqarnersoq Inuit Ataqatigiinnit qularutigineqarpoq. Taamaattumik nuna tamakkerlugu ataavartumik inerikkiartortitsiniarluni ineriartortitsiniarlunilu siunissami naligiissaarinermut aaqqissuussineq pillugu siunissami suleqatigiittoqarnissaa oqaloqatigiittoqarnissaalu kaammattuutigineqarpoq.

Sammissaq 1-p ataani allannguutissatut siunnersuummut nr. 24-mut isummernissani aningaasanut inatsisissatut siunnersuutip pingajussaaneerseqarnissaanut Aningaasaqarnermut Ataatsimiititaliap **kinguartippaa**.

3.2. Sammissaq 2 – Missingersuutinut sunniuteqanngitsumik allannguutit

Qulequttami tassani allannguutissatut siunnersuutinik 11-nik Naalakkersuisut saqqummiussipput.

Allannguutissatut siunnersuutit taakku ukiumi aningaasanut inatsiseqarfiusumi ukiunilu missingersuusiorfiusuni ataatsimut isigalugu IST-mut sunniuteqassanngillat. Taamaattorli allannguutissatut siunnersuutit taakku 2014-imi, 2015-imi aamma 2016-imi IST-mi angusat ukiut tamaasa ukiumut 400.000 kr.-inik pitsanngortissavaat aammalu 2017-imi IST-mi angusat 1,2 mio. kr.-inik ajorseriartissallugit.

Allannguutissatut siunnersuutinut taakkununnga pissutaapput Naalakkersuisut allaffeqarfiini allanngortiterinerit, suliaasaqarfiit akornanni aningaasaliissutinik nussinerit kiisalu konto pingaernerit assigiinnik siunertaqarfigineqartut iluini aningaasaliissuteqarnissamik pisariaqartitsinerit erseqinnerusumik paasinarsisinnerat.

Konto pingarneq 40.94.14 Nuna tamakkerlugu meeqqat inuusuttullu suliniaqatigiiffiinut tapiissutit

Kanalini digitaliusuni pisinnaatitaanerrmut akiliutissat aningaasalersornissaat siunertaralugu aningaasaliissutit ukiumoortumik 150.000 kr.-inik ikilineqarnissaat Naalakkersuisut siunnersuutigaat. Aningaasaliissutit taama ikilineqarnerat Kalaallit Nunaanni Spejderinit pissarsiarineqassasut allassimavoq. Aningaasartuutip taassuma meeqqat inuusuttullu suliniaqatigiiffiinit amerlanernit aveqatigiiffineqarnissaa ilumut naapertuunnerusimassagaluarnersoq ataatsimiititaliamit nalornissutigineqalaarpoq. Sorlaap ilaasortaasa amerlassusiat eqqortuunersoq siusinnerusukkut nalornissutigineqartartoq ataatsimiititaliap eqqaamavaa. Taamaalillunimi paasinarsisimavoq ilaasortat ilaasortaanermut akiliuteqartanngitsut ilaasortat allattorsimaffiannit suliniaqatigiiffiup peerneq ajorsimagai, taamaalillunilu suliniaqatigiiffiup ingerlatai pillugit aningaasaliissuteqartartoq kukkusumik takussutissillugu. Taamaattumik suliaq tamanna sumut killinnersoq ataatsimiititaliap paaserusuppaa.

(Allannguutissatut siunnersuut nr. 30)

Konto pingarneq 40.94.26 Kanalini digitaliusuni pisinnaatitaanermut akiliutissat

Aningaasat nuunneqartut taamaallaat Kalaallit Nunaanni Spejderinit nuunneqartariaqanngitsut ataatsimiititaliap isumaqaralarpoq, soorlu tamanna siuliani aamma oqaatigineqartoq. Ataatsi-

miititaliap isumaa malillugu aningaasat ilaat Sorlammit, marloriaammik pissarsisartumit, nuuneqarsimasinnaagaluarput. Tamatumunnga taarsiullugu nuna tamakkerlugu kanalit pingasuusut imarisaat aningaasatigut atugassarititaasut iluini allanngortinneqarnissaasa isumaqatigiinnu-tigineqarnissaat isumaliutigineqarsinnaavoq.

(Allannguutissatut siunnersuut nr. 31)

Naalakkersuisut aappassaaneerinnermut akissuteqaamminni apeqqut siuliani allassimasoq akis-suteqarfigissagaat ataatsimiititaliamit qinnutigineqarpoq. Tamatuma tungaanut allannguut-issatut siunnersuutitut isummernissani ataatsimiititaliap **kinguartippaa**.

Sammissaq 2-p ataani allannguutissatut siunnersuutitut nr. 26-mit 29-mut aamma 32-mit 36-mut **akuerineqassasut** Aningaasaqarnermut Ataatsimiititaliamit **inassutigineqarpoq**.

Sammissaq 2-p ataani allannguutissatut siunnersuutitut nr. 30-mut aamma 31-mut isum-mermnessani Aningaasaqarnermut Ataatsimiititaliap **kinguartippaa**.

3.3. Sammissaq 3 – Isertitaqarnerunissamik inatsisitigullu aningaasartuutinit pissussaaf-figisanit naatsorsuutitut nutaat

Qulequttami tassani allannguutissatut siunnersuutitut 4-nik Naalakkersuisut saqqummius-sippit. Allannguutissatut siunnersuutitut taakku IST-p inerneranut 2014-mi 84.300.000 kr.-inik, 2015-imi 78,3 mio. kr.-inik aammalu 2016-imi 2017-imilu 14,3 mio. kr.-inik pitsanngoriaataassapput.

Aningaasanut inatsisissatut siunnersuummik saqqummiussinerup kingorna kontonut pingaar-nernut arlalinnut missingersuutitut eqqornerusumik takutitsisut Naalakkersuisunit suliarineqar-simanerat taakkuninnga allannguutissatut siunnersuuteqarnermut pingaartumik pissutaavoq.

Allannguutissatut siunnersuutitut ataasiakkaanut Aningaasaqarnermut Ataatsimiititaliaq ilas-sutitut ima oqaaseqaateqarumavoq.

Konto pingarneq 10.13.10 Aktiaateqarluni ingerlatseqatigiiffinit iluanaarutit, iluanaarutinit tunniussinerit tunisinerillu

Kontomi pingarnermi matumani isertitassatut tagginneqartut nalileqqinneqarnerisa kingorna isertitassatut tagginneqartut 2014-imi 68,5 mio. kr.-inik aamma 2015-imi 62,5 mio. kr.-inik amerlineqassasut aammalu 2016-imi 2017-imilu 1,5 mio. kr.-inik ikilineqassasut Naalak-kersuisut siunnersuutigaat.

Aktiaateqarluni ingerlatseqatigiiffit Namminersorlutik Oqartussanit tamakkiisumik ilaanna-kortumilluunniit pigineqarnerat pissutigalugu iluanaarutinit, aningaasaatinik ikilisitsinikkut tun-niussinerit aammalu aktianik tunisinerit allatulluunniit isertitaasunit Nunatta Karsiata isertitai kontomi isertitatut nalunaarsorneqartarput. Isertitat siuliani taagorneqartut sorliit taama malun-naateqartigisumik qaffariartoqarneranut pissutaanersut allannguutissatut siunnersuummi allassimangilaq.

Kontomut pingaarnermut tassunga missingersuutitut ilanngussami allassimavoq aktiaateqarluni ingerlatseqatigiiffinit Namminersorlutik Oqartussanit pigineqartunit iluanaarutinit akiliutigineqartut ingerlatseqatigiiffinni aningaasaqarnikkut allanngoriartorneq ingerlatseqatigiiffiillu sinneqartoorutaajunnartunik atugassanngortitsinissamik aalajangiinerat apeqqutaatillugu missiliorneqartut. Ingerlatseqatigiiffinni aningaasaqarnikkut allanngoriartornivik isertitassatut tagginneqartut allannguutaannut tunngaviusoq ataatsimiititaliamit tunngavissaatinneqartariaqarpoq, taamaangippammi piffissamat sivikitsuinnarmut isiginerussaaq. Illuatungaatigulli aktiaatillit (Namminersorlutik Oqartussat) aningaasaliissutigineqartut iluanaarutigineqarnissaannik piumasaqaataat aallaavigalugit iluanaarutissat angissusilerneqarsimasinnaapput. Iluanaarutissat eqqarsaatigalugit Naalakkersuisut aktiaateqarluni ingerlatseqatigiiffinnut Namminersorlutik Oqartussanit tamakkiisumik ilaannakortumilluunniit pigineqartunut piumasaqaatinik qanoq itunik saqqummiussaqaarsimanersut paasissutissiissutigineqassasoq ataatsimiititaliamit kissaatigineqarpoq. Allannguisoqarnera ataatsimiititaliamit tusaatissatut tiguneqarpoq, aningaasalli iluanaarutinit pissarsiarineqarsimappata aningaasat ingerlatseqatigiiffinnut ataasiakkaanut immikkoortiterneqarnissaat kissaatigalugu. Taamatut immikkoortiterinerup isertuunneqartariaqarsinnaanera aammalu Aningaasaqarnermut Ataatsimiititaliamut taamaallaat tunniunneqarsinnaanera ataatsimiititaliamit ilisimaneqarpoq. Pingajussaaneerinissaq sioqqulluarlugu taassuma tigunissaa ataatsimiititaliamit naatsorsuutigineqarpoq.

(Allannguutissatut siunnersuut nr. 37)

Konto pingarneq 20.10.20 Nationalbankip sinneqartoorutaanit pisassat

Isertitassat 2014-imi ukiunilu missingersuusiorfusuni tamani 8,2 mio. kr.-inik ikileriarnissaat naatsorsuutigineqarpoq.

(Allannguutissatut siunnersuut nr. 38)

Konto pingarneq 24.11.10 Nioqqutissanik eqqussuinermit akitsuutit

Isertitassat 2014-imi ukiunilu missingersuusiorfusuni tamani 15 mio. kr.-inik ikileriarnissaat naatsorsuutigineqarpoq.

Kontomik pingaarnermik matuminnga kontonillu pingaarnernik siuliani taaneqartunik ammut iluarsiiineq aningaasaqarnerup unikaallanissaanut imaluunniit toqqaannartumik appariarnissaanut Naalakkersuisut naatsorsuutiginninnerannut takussutissaanersoq paasissutissiissutigineqassasoq ataatsimiititaliamit kissaatigineqarpoq. Tamatuma saniatigut imigassanik aalakoornartulinnik tupamillu eqqussuinermit akitsuutit appariaateqarnerat Kalaallit Nunaannut tikiinnermi akitsuutitaqanngitsunik pisinissamat periarfissaq eqquteqqinneqarneranut attuumassuteqarnerasoq paasissutissiissutigineqassasoq ataatsimiititaliamit kissaatigineqarpoq.

(Allannguutissatut siunnersuut nr. 39)

Konto pingarneq 24.11.12 Rajanut akitsuutit

Ataatsimiititaliamit ilimagineqarpoq allannguutissatut siunnersuuteqarnermut aallaaviusoq tassaasoq; allannguutissatut siunnersuut akuersissutigineqassappat agguaqatigiissillugu akiusut ima qaffasitsigissasut naleqqersuut naapertorlugu akitsuutit qaffasinnerpaaffissaat, 15 %-inut allanngortinneqartussatut siunnersuutigineqartoq, ukiumut aningaasanut inatsiseqarfiusumut 2014-imut tamarmut atuutissalluni. Tamatuma peqatigisaanik ataatsimiititaliamit maluginiarneqarpoq raajartassat 80.000 tonsinut ikilineqassasut naatsorsuutigineqartoq, taamaattumillu

tamatumunnga tunngavilersuut taamatullu appaaneq qanoq agguataarneeqsimanersoq pillugit ilisimatinneqarnissani kissaatigalugu.
(Allannguutissatut siunnersuut nr. 40)

Sammissaq 3-p ataani allannguutissatut siunnersuutit nr. 38-mit 39-mut **akuerineqassasut** Aningaasaqarnermut Ataatsimiititaliamit **inassutigineqarpoq**.

Sammissaq 3-p ataani allannguutissatut siunnersuummut nr. 37-imut aamma 40-mut isummernissani Aningaasaqarnermut Ataatsimiititaliap **kinguartippaa**.

3.4. Sammissaq 4 – Aningaasartuuteqarnerunissamik kissaatit

Qulequttami tassani allannguutissatut siunnersuutit 9-nik Naalakkersuisut saqqummiussippit.

Allannguutissatut siunnersuutit taakku IST-p inerneranut 2014-imi 16.172.000 kr.-inik, 2015-mi 17,1 mio. kr.-inik, 2016-imi 66,5 mio. kr.-inik aammalu 2017-imi 65,8 mio. kr.-inik ajorse-riaataassapput.

Allannguutissatut siunnersuutit ataasiakkaanut Aningaasaqarnermut Ataatsimiititaliap ilasutit ima oqaaseqaateqarumavoq.

Konto pingarneq 10.06.27 Suliffissuaqarnermut pilersaarutitut annernut atatillugu arlaannaannulluunniit attuumassuteqanngitsunik paasiniaasussanut aningaasanik tapiissutit

Konto pingarneq nutaajuvoq 2014-imullu ilanngunneqarnissaa qinnutigineqarluni.

Konto pingarneq manna atorlugu Naalakkersuisut kissaatigaat kalaallit tusagassiuutaasa aamma kalaallit arlaannaannulluunniit attuumassuteqanngitsunik soqutigisaqatigiit (NGO-t) tusarniaanermut akissummik suliaqarnissamut kiisalu suliffissuaqarnermut pilersaarutitut annernut atatillugu arlaannaannulluunniit attuumassuteqanngitsunik paasiniaanissamut immikkut ilisimasalimmik ilanngussinissamut aningaasanik qinnuteqarnissamut periarfissaat nukittorsarneqassasoq. Suliffissuaqarnermut pilersaarutit annerit saniatigut allanut atorneqarsinnaanera Naalakkersuisunit isumaliutiginneqarsimava?

(Allannguutissatut siunnersuut nr. 41)

Konto pingarneq 30.01.01 Ilaqutariinnermut Inatsisinillu Atuutsitsinermut Naalakkersuisoqarfik

Isumaginninnermut tunngasuni iluarsartuutissat suliarineqarnerinut atatillugu inatsisilerituup akissarsiaanut atugassanik ukiumi aningaasanut inatsiseqarfiusumi 2014-imi ukiumilu misingersuusiorfinni aningaasaliissutit 0,5 mio. kr.-inik amerlineqarnissaat qinnutigineqarpoq. Allannguutissatut siunnersuutip matuma pisariaqartinneqarnera ataatsimiititaliamit eqqumiigineqarpoq naatsorsuutiginneqarporlu suliaassap naammassineqarnerata kingorna konto pingarneqarnermut aningaasaliissutit ikilisinneqassasut.

(Allannguutissatut siunnersuut nr. 43)

Konto pingarneq 34.11.07 Kræfti pillugu pilersaarut

Aningaasaliissutit ukiumi aningaasanut inatsiseqarfiusumi 2014-imi 2 mio. kr.-erluinnarnik, 2015-imi 6,2 mio. kr.-inik, 2016-imi 5,6 mio. kr.-inik aammalu 2017-imi 4,9 mio. kr.-inik

UKA 2013/7

J.nr. 01.31.11-00013

amerlineqarnissaat qinnutigineqarpoq. Siunnersuut una ataatsimiititaliamit nuannaarutigineqarpoq, naalli aningaasaliissutit ukiut missingersuusiorfiusut ingerlaneranni amerliartoraluartut aningaasat immikkoortinneqartut siunertamut naammassanersut apeqquserlugu.
(Allannguutissatut siunnersuut nr. 44)

Konto pingaarneq 64.13.25 Suliffissaaleqisunut immikkut ittumik iliuuseqarneq

Ukiumi aningaasanut inatsiseqarfiusumi 2014-imi ukiunilu missingersuusiorfiusuni aningaasaliissutit 5 mio. kr.-inik amerlineqarnissaat siunnersuutigineqarpoq. Allannguutissatut siunnersuut ataatsimiititaliamit taperserneqarpoq, kaammattuutigaluguli suliffissaaleqisut sulileqqinnissaat ilinnialernissaalluunniit pillugu naliliinissaq immikkut sammineqassooq. Tamatuma saniatigut suliasanut kisitsisinut iluarsinerit pingajussaaneerinissamut allannguutissatut siunnersuuteqarnikkut aatsaat pinissaat pimoorussinnginnertut ataatsimiititaliamit isigineqarpoq. Naalakkersuisut isumaqarunik 5 mio. kr.-it pimoorussanut atorfissaqartut aningaasat qanoq atorneqarnissaat pillugu erseqqinnerusumik maannangaq paasissutissiinnaasariaqarput. Tamanna pillugu erseqqinnerusumik paasissutissinneqarnissaq ataatsimiititaliamit kissaatigineqarpoq.

(Allannguutissatut siunnersuut nr. 48)

Sammissaq 4-p ataani allannguutissatut siunnersuutit nr. 41-mit 49-mut **akuerineqassasut** Aningaasaqarnermut Ataatsimiititaliamit **inassutigineqarpoq**.

3.5. Sammissaq 5 – Inissianik tunisineq

Qulequttami tassani allannguutissatut siunnersuutit 2-nik Naalakkersuisut saqqummiussippot. Allannguutissatut siunnersuutit taakku ataatsimut IST-p inerneranut 2014-imi 70,7 mio. kr.-inik ajorseriaataassapput aammalu IST-p inerneranut 2015-imi 5 mio. kr.-inik aammalu 2016-imi 2017-imilu 20 mio. kr.-inik pitsanngoriaataassallutik.

Konto pingaarneq 20.10.22 Isertitat allat

Nuummi inissianik nutaajunerusunik tunisineri isertitassatut missingikkat 2014-imi 75 mio. kr.-inik ikilineqarput aammalu 2015-imi 5 mio. kr.-inik kiisalu 2016-imi 2017-imilu 20 mio. kr.-inik amerlineqarlutik. allannguutissatut siunnersuut ataatsimiititaliamit taperserneqarpoq aammalu suleqatigiissitap suliai pillugit allakkatigut ilisimatinneqarnissani naatsorsuutigalugu. Tamatuma saniatigut aningaasaqarnermik ingerlatsiviit isumakuluutaat Naalakkersuisunit tusaaniarneqarsimanerat ataatsimiititaliamit nuannaarutigineqarpoq, tassami Naalakkersuisut aningaasaqarnermillu ingerlatsisut akornanni pitsaasumik suleqatigiittoqarnissaa ataatsimiititaliamit pingaartinneqarmat.

(Allannguutissatut siunnersuut nr. 50)

Konto pingaarneq 72.06.51 Inissianik tunisineq – ilanngaaseereerluni tunniussineq

Konto pingaarnermi pineqarput inissianik Namminersorlutik Oqartussanit pigineqartunik tunisinermit ilanngaaseereerluni isertitassat. Isertitassat missingikkat 2014-imi 4,3 mio. kr.-inik amerlineqarput. Ukiuni missingersuusiorfinni 2015 -2017-imi allannguutissanik siunnersuuteqartoqannilaq. Namminersorlutik Oqartussat ilaqutariinnut illutaat ilutaasalu affarleriit inuttaarukkaangata tamanut tuniniarneqartarnissaat qaffaanermut tunngaviuvoq.

Tamatuma peqatigisaanik taama iliorneq inussutissarsiutsik suliffitsilluunniit aqqutigalugu ineqartinneqartussaataasunut ilaqtariinnut ataatsinut illunik illunilluunniit affarleriinnik nu-taanik pisisariaqarnermik nassataqassasoq naatsorsuutigineqarsinnaanersoq aappassaaneer-inissamut akissuteqaamminni paasissutissiissutigeqqullugu Naalakkersuisut ataatsimiititaliamit qinnuigineqarput.

(Allannguutissatut siunnersuut nr. 51)

Sammissaq 5-ip ataani allannguutissatut siunnersuutit nr. 50-imit 51-imut **akuerineqassasut** Aningaasaqarnermut Ataatsimiititaliamit **inassutigineqarpoq**.

3.6. Sammissaq 6 – Ingerlatsinermi ileqqaarutit

Qulequttami tassani allannguutissatut siunnersuummik 1-imik Naalakkersuisut saqqummius-sippit. Allannguutissatut siunnersuut taanna IST-p inerneranut ukiumi aningaasanut inatsise-qarfimmi 5.740.000 kr.-inik ukiunilu missingersuusiorfinni 0 kr.-imik pitsangoriaataassapput.

Konto pingaarneq 30.13.43 Innarluutillit pillugit ilisimasaqarfik siunnersuisarfiutigisooq

Naalakkersuinikkut pingaarnersiunerit pissutigalugit innarluutilinnik sullissivimmik naatsor-suutigineqaraluartut aallartitsisoqassanngilaq. Innarluutilinnut sullissivik Inatsisartunit siusin-nerusukkut assut pingaartinneqarsimasooq ataatsimiititaliamit oqaatigineqassaaq.

Kontomi pingaarnermi siunertamut 5.740.000-inik immikkoortitsisoqarnissaa siunnersuutigine-qarsimavoq, taamaattumillu aningaasat taakku amerlaqataannik aningaasaliissutit ikilineqas-sapput. Suliassap erseqqinnerusumik nassuiaatigineqarnissaa, tassunga ilanngullugu innarluu-tilinnut sullissivik taarsiullugu qaqugu aallartinniarneqarnerisooq pillugu paasitinneqarnissani ataatsimiititaliap ujartorpaa. Tamatuma peqatigisaanik aalajangiineq pillugu Ilaqtariinnermut Ataatsimiititaliaq ilisimateqqullugu Naalakkersuisut ataatsimiititaliamit qinnuigineqarput.

(Allannguutissatut siunnersuut nr. 52)

Sammissaq 6-p ataani allannguutissatut siunnersuummut nr. 52-mut isummernissani Aningaasa-qarnermut Ataatsimiititaliap **kinguartippaa**.

3.7. Sammissaq 7 – Allaffissornikkut sipaaruteqarneq

Qulequttami tassani allannguutissatut siunnersuutinik 60-inik Naalakkersuisut saqqummius-sippit. Allannguutissatut siunnersuutit taakku ataatsimut isigalugit oqaatigisariaqarpoq kontot pingaarnertit taakkorpiaat sooq eqqugaanersut tunngavilersorneqarsimanngimmat aammalu ani-ngaasat sooq taama annertussusilerneqarsimanersut paasissutissiissutigineqarsimanani. Tama-na amigaatitut isigisariaqarpoq. Taama iliuseqarnermut tunuliaqutaasoq pillugu Naalak-kersuisut Inatsisiartunut paasissutissiinerusariaqaraluartut ataatsimiititaliaq isumaqarpoq.

Konto pingaarneq 20.11.56 Missingersuutinik iluarsineq, allaffissorneq

Pisiortornermi sipaarutissat missingersuutitigut iluarsiiisutitaannik atugassiinerup kinguner-i-saanik allannguutissatut siunnersuut saqqummiunneqarpoq. Allannguutissatut siunnersuutip akuersissutigineqarneratigut konto pingaarneq atorunnaassaaq. Sipaarutissatut missinger-suutigineqartut ukiumi aningaasanut inatsiseqarfiusumi 2014-imi 9 mio. kr.-iussapput, 2015-imi 13 mio. kr.-iullutik, 2016-imi 16 mio. kr.-iullutik aammalu 2017-imi 17 mio. kr.-iullutik.

(Allannguutissatut siunnersuut nr. 56)

Konto pingaarneq 64.13.21 Piginnaanngorsaaqqinneq

Aningaasaliissutit 2014-imi 1000 kr.-inik ikilineqarnissaat Naalakkersuisut siunnersuutigaat. Aningaasaliissutit ikilissutissaat ima annikitsigaaq allannguutissatut siunnersuutip saqqummiunneqarneranut, suliarineqarneranut atuutsinneqalernissaanullu aningaasartuutit sipaarutissatut siunnersuutigineqartunit amerlanerunissaat ilimanarluni. Tamatuma saniatigut Aningaasaqarnermut Ataatsimiititaliap tunngaviusumik isigalugu oqaatigisariaqarpaa kontomi pingaarnermi matumani, siunertani malillugu kommunini piginnaanngorsaaqqinnermut aningaasartuutaasimasut utertinneqarnerannut atoneqartussami tassalu pisiortornermut atorneqartussaangitsumi, pisiortornermut sipaaruteqartoqarniarnera assut eqqumiiginarmat. Taamaalilluni Naalakkersuisut pisiortornissaq pillugu isumaqatigiissutaat nutaat kommunini sipaaruteqarnermik qanoq ilillutik nassataqarsinnaanersut paasissutissiissutigineqanngilaq, tamatumunngalu ilanngullugu oqaatigineqassaaq kontoni pingaarnerni allani aningaasanik kommuninut utertitsinissanut atorneqartartuni sipaaruteqarnissamik siunnersuuteqartoqanngimmat. Kiisalu ataatsimiititaliamit oqaatigineqassaaq aningaasaliissutit inatsisitigut pisussaaffigineqartut aningaasanut inatsimmi aningaasaliissutinut sinaakkutissat aqqutiginaqit, maleruagassatigullit tunngavigisat atuuttut aqqutigalugit aqunneqartut pineqarmata. Kontoni pingaarnerni taamaattuni sipaarutissat tunngaviusumik isigalugu qajassuartumik ingerlanneqartariaqarput aammalu pingaartumik aningaasaliissutinut inatsisitigut tunngavigisat allanngortinneqarnerinut atatillugu ingerlanneqartariaqarlutik.

(Allannguutissatut siunnersuut nr. 56)

Sammissaq 7-ip ataani allannguutissatut siunnersuutit nr. 53-imit 112-imut **akuerineqassasut** ataatsimiititaliami amerlanerussuteqartut Siumumeersut Atassummeersullu **inassutigaat**.

Sammissaq 7-ip ataani allannguutissatut siunnersuutit nr. 53-imit 112-imut **itigartinneqassasut** ataatsimiititaliami ikinnerussuteqartut Inuit Ataqtiginiinnersut inassutigaat. Pisiortornermut politikimi sipaarutissatut pilersaarutigineqartut pillugit periuseq Inuit Ataqtiginiinnit isumaqatigineqanngilaq aammalu najukkamiittut mianerineqarnissaannik aammalu immikkoortortat najukkami niuernissamut periarfissaannik arsaarneqannginnissaasa qulakkeerneqarnerannik imaqartumik allannguutissatut siunnersuummik saqqummiusseqqullugit Naalakkersuisut qinnuigalugit. Pisiortornermut politikimi sipaarutissat pillugit siunnersuummik assigiinngisitaarnerusumik eqqarsaatigilluagaasumillu aningaasanut inatsisip pingajussaaneerneqannginnerani saqqummiusseqqullugit Naalakkersuisut Inuit Ataqtiginiinniit qinnuigineqarpoq, tamatumani najukkani inuussutissarsiornermik ingerlataqartut annertunerusumik isiginiarneqassallutik aammalu immikkoortortat assigiimmik sakkortussusilimmik eqqorneqassanngillat, immikkoortortalli ataasiakkaat sipaarutissatut kissaatigisanik angusaqarnissamut periarfissavii annertunerusumik nalilersorneqassallutik.

3.8. Sammissaq 8 – Aalisarneq

Qulequttami tassani allannguutissatut siunnersuutinik 3-nik Naalakkersuisut saqqummiussippot. Allannguutissatut siunnersuutit taakku IST-mi angusat ukiumi aningaasanut inatsisarfiusumi 2014-imi 21,5 mio. kr.-inik, 2015-imi 25 mio. kr.-inik aamma 2016-imi 0 kr.-inik pitsanngortissavaat aammalu 2017-imi IST-mi angusat 20 mio. kr.-inik ajorseriartissallugit.

Konto pingarneq 50.01.01 Aalisarnermut, Piniarnermut Nunalerinermullu Naalakkersuisoqarfik

2014-imi 2,63 mio. kr.-inik immikkoortitsinissaq Naalakkersuisunit siunnersuutigineqarpoq. Aningaasat aalisarnermut tunngasut pillugit isumasioqatigiinnermut pingaarnertut atorneqasapput. Ataatsimiititaliap isumaa malillugu aningaasat amerlasoorujussuusorinarput, taamaatumillu tamanna nassuiarneqarluartariaqarluni. Tamamatuma aappassaaneerinissamut akissuteqaammi ilaanissaa ataatsimiititaliamit naatsorsuutigineqarpoq.
(Allannguutissatut siunnersuut nr. 113)

Konto pingarneq 50.06.50 Aalisarnermut aningaasaliissutinut immikkoortitat

Aningaasaliissutit 2014-imi 2015-imilu 25 mio. kr.-inik ikilineqarnissaat kiisalu aningaasaliissutit 2017-imi 20 mio. kr.-inik amerlineqarnissaat pillugu allannguutissatut siunnersuummut matumunnga tunuliaqutaasup itisilerneqarnissaa ataatsimiititaliamit amigaatigineqarpoq.

Assersuutigalugu aningaasat atorneqarnerat piumaneqarnerallu eqqarsaatigalugit aningaasaliissutit pitsaanagerusumik naleqqussarneqarnissaannik oqarneq qanoq paasineqassanersoq pillugu itisiliisoqarnissaa ataatsimiititaliamit amigaatigineqarpoq. Tamatuma peqatigisaanik ingerlatsatut naatsorsuutigisat piffissap ingerlanerani aningaasaliissutit ineriartornerannut nassuiaataaqataasinnaasut pillugit takussutissiaq ataatsimiititaliamit amigaatigineqarpoq.
(Allannguutissatut siunnersuut nr. 115)

Sammissaq 8-p ataani allannguutissatut siunnersuutinut nr. 113-imut aamma 115-imut isummer-nissani Aningaasaqarnermut Ataatsimiititaliap **kinguartippaa**.

Sammissaq 8-ip ataani allannguutissatut siunnersuut nr. 114 **akuerineqassasoq** Aningaasaqarnermut Ataatsimiititaliamit **inassutigineqarpoq**.

3.9. Sammissaq 9 – Sanaartornermi nussuineq

Qulequttami tassani allannguutissatut siunnersuutinik 4-nik Naalakkersuisut saqqummiussippot. Allannguutissatut siunnersuutit taakku IST-mi angusat ukiumi aningaasanut inatsiseqarfiusumi 2014-imi ukiumilu missingersuusiorfiusumi 2015-imi 1,4 mio. kr.-inik ajorse-riartissavaat aammali IST-mi angusat 2016-imi 1,5 mio. kr.-inik 2017-imilu 1,4 mio. kr.-inik pitsanngoriartissallugit.

Konto pingarneq 34.11.03 Dronning Ingridip Napparsimmavissua

Konto pingarneq 34.12.01 Nunap immikkoortuini peqqinnissaqarfii, nakorsanik sullineqarnerit

Konto pingarneq 34.12.02 Nunatsinni peqqinnissakkut ilinniartitaanikkullu suliniutit

Konto pingarneq 86.60.01 Peqqinnissaqarfik

Allannguutissatut siunnersuummut matumunnga atatillugu kontomi pingarnermi 86.60.01-imi, Peqqinnissaqarfimmut tunngasumi, suliassaq nr. 996.46.019-imut, napparsimasunik qarasaasiakkut nalunaarsuiffimmut tunngasumut, missingersuutinut sunniuteqanngitsumik nuusseqqinnissamut pisariaqartitsineq pillugu pissutsit ataatsimiititaliamit paasisaqarfigerusunneqarput.

Tassunga atatillugu assersuutigalugu suliaq nr. 01.31.06/13-00640-mik ataatsimiititaliap suliarinninnera innersuussutigineqarsinnaavoq. PAT-imut aningaasaliussanik qarasaasiakkut napparsimasunik nalunaarsuiffimmut missingersuutitut sunniuteqanngitsumik nuussinissamik qinnuteqaat ulloq 29. November 2012-imi Aningaasaqarnermut Ataatsimiititaliamit akuerineqarpoq, tamatumani oqaatigineqarluni qarasaasiakkut napparsimasunik nalunaarsuiffimmut suliniut peqqinnissaqarfiup neqeroorutaasa ajorseriaateqarnerannik kinguneqassappat, tamanna isornartoqartinneqassasoq. PAT-imut aningaasaliussanik ilaatigut konto pingaarnermi 34.12.03-mit, ataatsimut aningaasartuutitut, napparsimasunik angallassinernut il.il. tunngasumit, napparsimasunik qarasaasiakkut nalunaarsuiffimmut missingersuutitut sunniuteqanngitsumik nuussinissamik qinnuteqarneq kingulleq pivoq ull. 19. september 2013. Tamatuma peqatigisaanik konto pingaarnermi tassani ukiup naanerani 10 mio. kr.-inik amigaateqarnissaq ilimagineqarpoq. Akuersinnginnermini konto pingaarnermi annertuumik atuinertuuffiusussatut naatsorsuutigineqartumit aningaasanik nuussinissamik qinnuteqarneq Naalakkersuisunit qanoq illersorneqarsinnaanersoq ataatsimiititaliap 4. oktober allagaqarluni paaserusuppa.

Suliaq taanna suli naammassineqanngitsoq tunngavigalugu ataatsimiititaliamit paaserusunneqarpoq suliaq nr. 996.46.019-imut, napparsimasunik qarasaasiakkut nalunaarsuiffimmut tunngasumut, aningaasalersuinissamut pilersaarut allannguutissatut siunnersuummi matumani malinneqarsimanersoq.

(Allannguutissatut siunnersuut nr. 116-119)

Sammissaq 9-ip ataani allannguutissatut siunnersuutitut nr. 116-imit 119-imut isummernissani Aningaasaqarnermut Ataatsimiititaliap **kinguartippaa**.

3.10. Sammissaq 10 – Nutarterinerit sunniutai

Qulequttami tassani allannguutissatut siunnersuummik 1-imik Naalakkersuisut saqqummiussippat. Allannguutissatut siunnersuut taanna IST-mi angusanut ukiumi aningaasanut inatsiseqarfiusumi 2014-imi aamma 2015-imi sunniuteqassanngilaq, taamaattorli IST-mi angusat 2016-imi 20 mio. kr.-inik aammalu 2017-imi 50 mio. kr.-inik ajorseriartissallugit.

Konto pingarneq 20.11.51 Nutarterinerit sunniutaat

Qinigaaffiup ingerlanerani aningaasanut inatsimmik suliaqarneq oqimaaqatigiiffiussasoq Naalakkersuisut siunertarimmassuk isertitassatut naatsorsuutigineqartut piffissaagallartillugu ammut iluarsineqarnerat ataatsimiititaliamit naammagisimaarneqarpoq. Taamaattorli nutarterinermik suliniutit ilaat, taama annertutigisumik aningaasaleeqqinnissamik nassataqarnertik pissutigalugu allannguutissatut siunnersuummik saqqummiussiffiusariaqarsimasut pillugit Naalakkersuisut nutaanik qanoq ittunik misilittagaqalersimanerannut nassuiaat ataatsimiititaliamit amigaatigineqarpoq. Taamaalillunilu missingersuutitut ilanngussat saqqummiunneqartut naammanngilluinnarnerat oqaatigineqartariaqarpoq. Ukiut arlaqaqisut ingerlaneranni ataatsimiititaliamit uteqqiattumik erseqqissaatigineqartarsimavoq missingersuutitut ilanngussat ima tamakkiisuutigissasut aningaasaliussutit allanngortinneqarnissaannik qinnuteqarnermut tunuliaqutaasoq Inatsisartunit paasineqarsinnaalluni. Missingersuusiornermut malittarisassami 2008-meersumi peqqussutit Naalakkersuisunit malinneqarsimagaluarpata missingersuutitut ilanngussat qularnanngitsumik naammaginarsimassagaluarput. Taamaattumillu missingersuusiornermik malittarisassamik Naalakkersuisut malinnissasut Aningaasaqarnermut Ataatsimiititaliamit **kaammattuutigineqarpoq**.

(Allannguutissatut siunnersuut nr. 120)

UKA 2013/7

J.nr. 01.31.11-00013

Sammissaq 10-p ataani allannguutissatut siunnersuummut nr. 120-mut isummernissani Aningaasaqarnermut Ataatsimiititaliap **kinguartippaa**.

4. Oqaasertaliussanut allannguutissatut siunnersuutit

Oqaasertaliussanik nutaanik katillugit 5-inik Naalakkersuisut siunnersuuteqarput. Allannguutissatut siunnersuutit taakku 121-imit 125-imut normoqarput.

Oqaasertaliussanut allannguutissatut siunnersuutit aningaasanut inatsisissatut siunnersuummut *ilanngussaq 2-mut* attuumassuteqarput. Taakku isumaliutissiisumut ilanngussaq M-ip ataanut ilanngunneqarput.

Oqaasertaliussanut allannguutissatut siunnersuutit ilaat atugassarititat piginnaatitsissutillu ilusiligaanerisa erseqqissarneqarnerannut tunngapput. Siunnersuutit allat Aningaasaqarnermut Ataatsimiititaliap kaammattuuteqarnera tunngavigalugu saqqummiunneqarput.

Oqaasertaliussanut toqqakkanut ataasiakkaanut oqaasertaliussat ilassutaasut nassuiaataasullu matuma kinguliani ilanngunneqarput.

Konto pingaarnermut 73.94.02-mut Nukissiorfiit

Pilersuinerup iluani tapiiffigeqatigiittarneq allannguutissatut siunnersuutikkut ugguuna annertusineqarpoq. Taamaalillutillu Naalakkersuisut siunnersuutigaat kiassarnermut akit, nuna tamakerlugu assigiimmik akeqartitsineq malillugu suli akilerneqartartut, appartinneqassasut. Taama iliornermi aningaasartuutit matussutissaqartikkumallugit innaallagissap erngullu akikinnerpaaffissaat qaffanneqarpoq. Taamaalillunilu nunatsinni tamarmi kiassarnermut akiusup appartinneqarnissaa siunertaralugu minnerunngitsumik Nuummi innuttaasut imermut innaallagissamullu qaffasinnerusumik akiliissapput. Kiisalu konto pingaarnermut matumunnga oqaasertaliussaq nr. 2, aalisakkanik suliffissuarnut innaallagissamut imermullu akikillisaatit allassimanerannik imaqartoq, naapertorlugu malitsigisatut sunniutit aalisakkanik tunisassiorfinnit malugineqasapput.

Taama atugassiineq AIS 2014-imi oqaasertaliussanut nassuiaatit naapertorlugit pisimassasoq ataatsimiititaliamit ilimagineqarpoq, taakku malillugit Nukissiorfiit najukkani aningaasartuutaasa allannguuteqarnerisa taamaallaat kingunerisaannik akigititat siunissami iluarsiivigineqartassallutik. Avatangiisinut innarliinngitsumik ungasianit kiassaanerup uuliamik kiassaaner-mut unammillersinnaalernissaa akinik appaaner-mut Naalakkersuisut tunngavilersuutigaat. Avatangiisinut innarliinngitsumik ungasianit kiassaanermik oqarnermi suna pineqarner-soq, avatangiisinut innarliinngitsumik ungasianit sumi kiassaasoqarner-soq aammalu kiassarnermi sullinneqartut ilaat qanoq amerlatigisut avatangiisinut innarliinngitsumik ungasianit kiassaa-neqarner-sut pillugit paasissutissat ataatsimiititaliamit amigaatigineqarput. Aammattaaq illoqarfinni nunaqarfinnilu avatangiisinut innarliinngitsumik ungasianit kiassaaneqartussatut pilersaarutigineqartuni akinik appaaneq taamaallaat atuutissasoq ataatsimiititaliamit ilimagine-qarpoq. Taamaattoqanngippat najukkani kingunerisassat erseqqinnerusumik allaaserineqar-tariaqarput.

(Allannguutissatut siunnersuut nr. 125)

Oqaasertaliussanut allannguutissatut siunnersuutit nr. 121-mit 124-mut **akuerineqassasut** Aningaasaqarnermut Ataatsimiititaliamit **inassutigineqarpoq**.

Oqaasertaliussanut allannguutissatut siunnersuummut nr. 125-mut isummernissani Aningaasaqarnermut Ataatsimiititaliap **kinguartippaa**.

5. Aningaasaqarnermut Ataatsimiititaliap kaammattuutai

Kaammattuut nr. 1

Matuma kingulianiittup malitseqartinneqarnissaanik Sanaartornermut Ataatsimiititaliamit kaammattuummik, ilanngussaq N, Aningaasaqarnermut Ataatsimiititaliaq tusarniaanerminut akissutitut tigusaqarpoq. Sanaartornermut Ataatsimiititaliaq ilaatigut ima allappoq:

"2014-imut immikkoortumi sanaartornissamut pilersaarummut atatillugu, tassungalu atatillugu nalinginnaasumik nassuiaatini imm. 4.8 malillugu utoqqarnik sullissinerup pilersaarusernerani utoqqaat innarluutillit, puigortunngortut il.il. aamma utoqqaat aappariit taamatullu atugaqartut allat suli najugatigiissinnaanerani mianerineqassasoq Sanaartornermut ataatsimiititaliap kaammattuutigaa. Tassunga atatillugu Ataatsimiititaliap malugeqquaa utoqqaat ineqartitaasarnerani Ilaqutariinnermut Peqqissutsimullu ataatsimiititaliap suliaasaqarfiniimmata. Taamaakkaluartoq Ataatsimiititaliap kaammattuutai Naalakkersuisunit tigussaasumik iliuuseqarnermik malitseqartinneqassasut Aningaasaqarnermut Akileraartarnermullu ataatsimiititaliamut Ataatsimiititaliamit kaammattuutigineqarpoq."

Kaammattuut nr. 2

Matuma kingulianiittup malitseqartinneqarnissaanik Eqqissisimatitsinerumut Avatangiisinullu Ataatsimiititaliamit kaammattuummik, ilanngussaq N, Aningaasaqarnermut Ataatsimiititaliaq tusarniaanerminut akissutitut tigusaqarpoq. Eqqissisimatitsinerumut Avatangiisinullu Ataatsimiititaliaq ilaatigut ima allappoq:

2-1

"Ilinniartitaaneq, sulisoqarneq, inuussutissarsiutinik ingerlatsineq inuullu atugarissaarnera peqqissusaalu pillugit avatangiisini saligaatsumi peqqinnartumilu piffissaq ungasissoq tunaartaralugu pinngortitamik atuinerup ataqatigiissarneratigut suliniutit, periutsit tigussaasumillu iliuusissat ataatsimut isigalugit aallarnisarnissaat Ataatsimiititaliamit Naalakkersuisunut kaammattuutigineqassaaq."

2-2

"Kommunini eqqagassalerineq pillugu Ataatsimiititaliaq suli pissutissaqartumik isumakuluuteqarpoq. Taamatut isumakuluuteqarneq naalakkersuinikkut anguniakkanut eqqagassallu tungaatigut takorluukkanut tunngassuteqarpoq. Eqqagassat pillugit pilersaaruteqaraluartoq nuna tamakkerlugu eqqagassat maaniinnarmiittut amerliartortullu takussaapput. Eqqagassat pillugit iliuuseqartoqartartorujussuugaluarpoq, tamannali naammangilaq. Nuna tamakkerlugu pinngortitami eqqakkat qimaannakkallu naammattuugassaasarpur. Pitsaanagerusumik iliortariaqarpugut iliuuseqassallutalu. Kommunit peqatigalugit ajornartorsiutit pillugit isornartorsiuilluni isumaliutigilluakkamillu iliuuseqarnissamut, minnerunngitsumillu Danmarkip naalagaaffiata eqqagassalerinikkut avatangiisitigullu pisussaaffigisaanni iliuuseqarnissamut Ataatsimiititaliap Naalakkersuisut kaammattorumavai."

2-3

"Uuliaarluernerumut akiuniutit pitsaassusiat aamma naammassisinnaasaat pillugit Ataatsimiititaliaq tigussaasumik immikkut isumakuluuteqartoqarpoq, assersuutigalugumi Heavy Fuel-imik aniasoorneq iliuuseqarfusinnaanngimmat. Heavy Fuel-imik aniasoornerumut erngarnermullu ajortumik sunnertiasorujussuuvugut iliuuseqarfiginissaanullu piareersimanata, Heavy

Fuel-imi tassaavoq nunatta imartaani 3 NM-ip timaani ikummatissaq umiarsuarni nalinginnaasumik atornegartartoq.

"Killeqarfup 3 NM-ip timaani Heavy Fuel-ip iliuseqarfifigineqarsinnaaneranut siumut isigisumik atortuutitut avatangiisut illersuutaasunut pingaarnersiulluni aningaasaliinerit isigineqartariaqartut Ataatsimiititaliap naqissusertariaqarpaa."

Kaammattuut nr. 3

Iliusissatut siunnersuutit, illutat peqqussutit malillugit ingerlaavartumik iluarsaanneqanngippata iluarsaanneqarnissaannik Nunatta Karsiata isumaginneqqinnissaa naatsorsuutigalugu atuarfiit illuutaannik nutaanik aserfallatsitsinissamut kommunit aningaasatigut kajumilersinneqannginnissaannut qulakkeerinnissinnaasunik, kingusinnerpaamik 2015-imut aningaasanut inatsisissatut siunnersuummik saqqummiussinermut atatillugu Naalakkersuisut saqqummiussinissaat Aningaasaqarnermut Ataatsimiititaliamit **kaammattuutigineqarpoq**.

Kaammattuut nr. 4

Aningaasat Sanaartugassanut Iluarsagassanullu Aningaasaateqarfimmi atornegaratik uninngaannartussaasut ilisimagaluarlugu aningaasanik qinnuteqartoqartaqqunagu sanaartugassanut aningaasaliissutinik atuinissamik **piviusorsiortumik** missingersuusiortarnissamik qulakkeerinninniarnermikk Naalakkersuisut ingerlatsiinnarnissaat Aningaasaqarnermut Ataatsimiititaliamit **kaammattuutigineqarpoq**. Minnerunngitsumik aningaasat Iluarsaanermullu Aningaasaateqarfimmi uninngasuutigineqarnissaat siunertaralugu allaffissornikkut kinguaattoormik pissuteqarluni ukiup naalernerani sanaartugassanut aningaasaliissutit atugassanngortinneqarnissaat qinnuteqaatigineqartariaqanngilaq.

Kaammattuut nr. 5

Iliusissanik – pitsaanngitsumik pitsaanerusumilluunniit - kommninut aningaasaqarnikkut ersarinnerusumik kajumissaataasinnaasunik Naalakkersuisut piaartumik misissueqqullgit siunnersuuteqaqqullugillu Aningaasaqarnermut Ataatsimiititaliamit **kaammattorneqarput**, taamaaliornikkut siusinaartumik pensionisiaqartitsiliinnarnissamut taarsiullugu nalilersueqqinnissamut, piginnaanngorsaanissamut aammalu piffissap ilaani suliffeqarnermik aaqqissuussinissamut periarfissat qulakkeerneqarlutik.

Kaammattuut nr. 6

Akiitsut ineriartornerat ingerlatsinikkut, tapiissuteqartarnikkut inatsisitigullu pisussaaffigalugit aningaasartuutit ineriartornerannit sunnerneqannginnissaa Naalakkersuisunit qulakkeerneqassa-soq ataatsimiititaliap sakkortunerpaamik inassutigissavaa, sanaartornermulli aningaasartuutit utaqqiisaagallartumik immikkullu ittumik nikerarnerannut taamaallaat atatillugu taarsigassarsisoqartarnissaa Naalakkersuisunit qulakkeerneqassalluni.

6. Aningaasaqarnermut Ataatsimiititaliap inassuteqaatai

Taama oqaaseqarluni Aningaasaqarnermut Ataatsimiititaliap aningaasanut inatsisissatut siunnersuut Inatsisartunit aappassaaniigassanngortippaa.

Sammissaq 1-ip ataani allannguutissatut siunnersuutit nr. 1-imit 23-mut aamma 25 **akuerineqassasut** Aningaasaqarnermut Ataatsimiititaliap **inassutigaa**.

Sammissaq 1-p ataani allannguutissatut siunnersuummut nr. 24-mut isummernissani Aningaasaqarnermut Ataatsimiititaliap **kinguartippaa**.

Sammissaq 2-p ataani allannguutissatut siunnersuutit nr. 26-mit 29-mut aamma 32-mit 36-mut **akuerineqassasut** Aningaasaqarnermut Ataatsimiititaliamit **inassutigineqarpoq**.

Sammissaq 2-p ataani allannguutissatut siunnersuutitut nr. 30-mut aamma 31-mut isummernissani Aningaasaqarnermut Ataatsimiititaliap **kinguartippaa**.

Sammissaq 3-p ataani allannguutissatut siunnersuutit nr. 38-mit 39-mut **akuerineqassasut** Aningaasaqarnermut Ataatsimiititaliamit **inassutigineqarpoq**.

Sammissaq 3-p ataani allannguutissatut siunnersuummut nr. 37-mut aamma 40-mut isummernissani Aningaasaqarnermut Ataatsimiititaliap **kinguartippaa**.

Sammissaq 4-p ataani allannguutissatut siunnersuutit nr. 41-mit 49-mut **akuerineqassasut** Aningaasaqarnermut Ataatsimiititaliamit **inassutigineqarpoq**.

Sammissaq 5-ip ataani allannguutissatut siunnersuutit nr. 50-imit 51-imut **akuerineqassasut** Aningaasaqarnermut Ataatsimiititaliamit **inassutigineqarpoq**.

Sammissaq 6-p ataani allannguutissatut siunnersuummut nr. 52-mut isummernissani Aningaasaqarnermut Ataatsimiititaliap **kinguartippaa**.

Sammissaq 7-ip ataani allannguutissatut siunnersuutit nr. 53-imit 112-imut **akuerineqassasut** ataatsimiititaliami amerlanerussuteqartut Siumumeersut Atassummeersullu **inassutigaat**.

Sammissaq 7-ip ataani allannguutissatut siunnersuutit nr. 53-imit 112-imut **itigartinneqassasut** ataatsimiititaliami ikinnerussuteqartut Inuit Ataqtiginneersut **inassutigaat**.

Sammissaq 8-p ataani allannguutissatut siunnersuutitut nr. 113-imut aamma 115-imut isummernissani Aningaasaqarnermut Ataatsimiititaliap **kinguartippaa**.

Sammissaq 8-ip ataani allannguutissatut siunnersuut nr. 114 **akuerineqassasooq** Aningaasaqarnermut Ataatsimiititaliamit **inassutigineqarpoq**.


Sammissaq 9-ip ataani allannguutissatut siunnersuutitut nr. 116-imit 119-imut isummernissani Aningaasaqarnermut Ataatsimiititaliap **kinguartippaa**.

Sammissaq 10-p ataani allannguutissatut siunnersuummut nr. 120-mut isummernissani Aningaasaqarnermut Ataatsimiititaliap **kinguartippaa**.

Oqaasertaliussanut allannguutissatut siunnersuutit nr. 121-mit 124-mut **akuerineqassasut** Aningaasaqarnermut Ataatsimiititaliamit **inassutigineqarpoq**.

Oqaasertaliussanut allannguutissatut siunnersuummut nr. 125-mut isummernissani Aningaasaqarnermut Ataatsimiititaliap **kinguartippaa**.

Inatsisartut suliarinninnerat tunngavigalugu Inatsisartut inaarutaasumik pingajussaaneerillutik suliarinninnsaat sioqqullugu Aningaasaqarnermut Akileraartarnermullu Ataatsimiititaliamut suliarineqaqqittussanngorlugu inatsisissatut siunnersuut ingerlateqqinneqassasoq ataatsimiititaliamit **inassutigineqarpoq.**



Finn Karlsen, Siulittaasoq

Gerhardt Petersen




Jens Immanuelson

Evelyn Frederiksen



Naaja Nathanielsen



Hans Aronsen

Kalistat Lund

+299 704177

1. november 2013

UKA 2013/7

Inatsisartut suliarinninnerat tunngavigalugu Inatsisartut inaarutaasumik pingajussaaneerillutik suliarinninnissaat sioqqullugu Aningaasaqarnermut Akileraartarnermullu Ataatsimiititaliamut suliarineqaqqittussanngorlugu inatsisissatut siunnersuut ingerlateqqinneqassasoq ataatsimiititaliamit inassutigineqarpoq.

Finn Karlsen, Siulittaasoq



Gerhardt Petersen

Evelyn Frederiksen

Jens Immanuelson

Naaja Nathanielsen

Hans Aronsen

Kalistat Lund

UKA 2013/7
J.nr. 01.31.11-00013

Inatsisartut suliarinninnerat tunngavigalugu Inatsisartut inaarutaasumik pingajussaaneerillutik suliarinninnissaat sioqqullugu Aningaasaqarnermut Akileraartarnermullu Ataatsimiititaliamut suliarineqaqqittussanngorlugu inatsisissatut siunnersuut ingerlateqqinneqassasoq ataatsimiititaliamit **inassutigineqarpoq**.

Finn Karlsen, Siulittaasoq

Gerhardt Petersen

Evelyn Frederiksen

Jens Immanuelson

Naaja Nathanielsen

Hans Aronsen



Kalistat Lund

1. november 2013

UKA 2013/7

Inatsiourtut suliarinninnerut tungu'igalugu Inatsiourtut inaarutaasumik pingajussaneerillutik suliarinninnissaat sioqqullugu Aningaasaqarnermut Akilcraartarnermullu Ataatsimiititaliamut suliarineqaqqittussanngorlugu inatsisissatut siunnersuut ingerlateqqinneqassasoq ataatsimiititaliamit inassutigineqarpoq.

Finn Karlsen, Siulittaasoq



Gerhardt Petersen

Evelyn Frederiksen

Jens Immanuelson

Naaja Nathanielsen

Hans Aronsen

Kalstat Lund